




唐詩別裁

七律

地
三

土岐文庫
文庫17
W93
9



文庫 17
W93
9



唐詩別裁集引典備註 卷十三

長洲沈德潛歸愚選

後學俞汝昌增注

七言律詩

◎沈佺期

西晉

龍池篇新書禮樂志帝賜第隆慶坊坊南
地變為池卽位後作龍池樂姚崇
佺期等其作樂章
十章此係第三章

龍池躍龍龍已飛龍德先天天不違池開天漢分
黃道龍向天門入紫微邸第樓臺多氣色君王鳧
鴈有光輝為報寰中百川水來朝此地莫東歸

入詩體格亦復超拔一
結有萬國來朝之意

卷十三

一

昭和六十年二月一日
土岐幸吉磨氏寄贈

010185140787

易先天而天弗違漢天文志日有中道中道者黃道也漢安紀帝自在邸第數有神光照室西京雜記漢武作太液池池中鳧雛雁子咳喋其間

古意樂府作獨不見

盧家少婦鬱金香。海燕雙棲玳瑁梁。九月寒砧催

木葉。十年征戍憶遼陽。白狼河北音書斷。丹鳳城

南秋夜長。誰為含愁獨不見。更教明月照流黃。盧

家少婦起興言夫婦州守猶雕梁之燕也下流分離言樂府盧家蘭室柱為梁中有鬱金香別應是鬱金香別本作堂者非

梁武歌河中之水向東流洛陽女兒名莫愁十五嫁為盧家婦十六生兒似阿侯沈約詩九華賦唱梁漢地理志遼東郡有遼陽縣又右北平郡有白狼縣一統志白狼河在青州府

奉和立春遊苑迎春初唐七律事多而寡用之尚多而簡出之

特每篇結句不無淺率之弊為風氣所囿耳後人一槩抹煞如何平允

東郊暫轉迎春仗。上苑初飛行慶杯。風射蛟冰千

片斷。氣衝魚鑰九關開。林中覓草纔生蕙。殿裏爭

花併是梅。歌吹銜恩歸路晚。樓烏半下鳳城來。

興慶池侍宴應制即龍池此侍宴泛舟而作

碧水澄潭映遠空。紫雲香氣御微風。漢家城闕疑

天上。秦地山川似鏡中。向浦迴舟萍已綠。分林蔽

殿。權初紅。古來徒羨橫汾賞。今日宸遊聖藻雄。

博物志王母乘紫雲車而至晉書行山陰道上如鏡中遊

奉和春初幸太平公主南莊應制公主武后所生

后愛之過於諸女睿宗即位上權震天下元宗立主以謀逆賜死

主家山第早春歸御輦春遊繞翠微買地鋪金曾作塲尋河取石舊支機雲間樹色千花滿竹裏泉聲百道飛自有神仙鳴鳳曲併將歌舞報恩暉

晉書王濟尚常山公主移第北郎山時洛京地甚貴齊買地為馬塲編錢滿之詩人謂為金溝說文塲庫丘也

遙同杜員外審言過嶺

天長地闊嶺頭分去國離家見白雲洛浦風光何所似崇山瘴癘不堪聞南洋漲海人何處北望衡

陽鴈幾羣兩地江山萬餘里何時重謁聖明君任

流驩州審言流峯州南北分飛同時過嶺而作聖明君似俚然劉楨有將須聖明君句古詩錦衾遺洛浦書注崇山南裔之山在今澧州一統志曰鴈峯在衡州府城南

再入道場紀事應制

南方歸去再生天內殿今年異昔年見闢乾坤新定位看題日月更高懸行隨香輦登仙路坐近鑪煙講法筵自喜恩深陪侍從兩朝長在聖人前雲卿

于流竄後召入故云應是中宗初復位時

杜審言

春日京中有懷

地一作真

今年遊寓獨遊秦。愁思看春不富春。上林苑裏花
徒發。細柳營前葉漫新。公子南橋應盡興。將軍西
地幾留賓。寄語洛城風日道。明年春色倍還人。語

新異以後人熟誦不覺耳。明年春色恐未還人奈何。

李嶠 奉和初春幸太平公主南莊應制

主家山第接雲開。天子春遊動地來。羽騎參差花
外轉。霓旌搖曳日邊迴。還將石溜調琴曲。更取
霞入酒杯。鸞閣已辭烏鵲渚。簫聲猶繞鳳凰臺。
祖孫登詩山溜似調琴高僧傳安西境內有山滴溜成音彼人采其聲以成曲

峰

宗楚客

奉和幸安樂公主山莊應制 公主亦武后女

玉樓銀榜枕巖城。翠蓋紅旂列禁營。日映層巖圖
畫色。風搖雜樹管絃聲。水邊重閣含飛動。雲裏孤
峯類削成。幸覩八龍遊閩苑。無勞萬里訪蓬瀛。八

皆對能以
巽寔勝人

十洲記崑崙崑崙山有玉樓十二所神異經東方
有宮青石為牆左右闕畫以五色門有銀榜
間居賦其西則有元戎禁營山海經太華之
山削成而四方周禮注馬入尺以上為龍
其仙錄王母居崑崙正之國閩風之苑非處
輪不可到拾遺記歷蓬瀛而超北海

宋之問

卷十三

四

高山石淙侍宴應制北武后遊幸石淙而作也上行御詩下多

諸臣和作狄人傑宋璟張昌宗易之並列今碑尚留嵩山

離宮秘苑勝瀛洲。別有仙人洞壑幽。巖邊樹色含風冷。石上泉聲帶雨秋。鳥向歌筵來度曲。雲依帳殿結為樓。微臣昔忝方明御。今日還陪入駿遊。

莊子黃帝將見大隗于具茨之山方明為御

蘇頌

奉和春日幸望春宮應制

唐地理志魏州有南望春宮北望春宮

東望望春春可憐。更逢晴日柳含煙。宮中下見南

山盡城上平。臨北斗懸細州偏。承迴輦處飛花故

落舞觴前。宸遊對此歡無極。鳥弄歌聲雜管絃。

興慶池侍宴應制

降鶴池前迴步輦。栖鸞樹杪出行宮。山光積翠遙

疑逼。水態含青近若空。直視天河垂象外。俯窺京

宰畫圖中。皇歡未使恩波極。日暮樓船更起風。

扈從鄠村間奉呈刑部尚書舅崔黃門馬

常侍

翠輦紅旗出帝京。長楊鄠杜昔知名。雲山一一看

皆美。竹樹蕭蕭畫不成。羽騎將過持袂拂。香車欲

度捲簾行漢家曾草巡遊賦何似今來應聖明

李

邕

字太和揚州人善之子李嶠薦拜左拾遺元宗時為御史中丞出為北海

太守李林甫忌其名傳以罪遣御史杖殺之邕長碑頌文尤工入法中朝衣冠及天下寺觀多求其文至今有流傳者

奉和初春幸太平公主南莊應制

傳聞銀漢支機石復見金輿出紫微織女橋邊烏

鵲起仙人樓上鳳凰飛流風入座飄歌扇瀑水當

階濺舞衣今日還同牛斗乘槎其泛海潮歸初唐

應制多諛美之詞况當武后中宗朝又天下穢濁時也眾手雷同初無領不忘規之意故不能多錄取鐵中錚錚者後章以備一體

共

張說

澗湖山寺

岳陽風上記澗湖在州南春冬水涸昔人謂之乾湖水經謂之滄湖夏秋水漲即渺深勝于石舟

空山寂歷道心生虛谷迢遙野鳥聲禪室從來雲

外賞香臺豈是世中情雲間東嶺千重出樹裏南

湖一片明若使巢由同此意不將蘿薜易簪纓巢由

當指終南處徑一輩人不然豈有輕視天下者而不能忘情于簪纓耶諸家解說未確

賈

曾

洛陽人景雲中為員外郎開元中徙諫議大夫坐事貶復遷禮部侍郎

奉和春日出苑矚目應令秦法太子稱令

銅龍曉關間安廻金輅春遊博望開渭水晴光搖
太子地名
草樹終南佳氣入樓臺招賢已從商山老託乘還
徵鄴下才臣在東周獨留滯忻逢睿藻日邇來
本題

出苑而起句先說問安發端正大

漢書太子出龍樓門注門樓有銅龍唐車服志皇太子之車三金輅者從祀朝賀納妃之所乘也漢武五子傳戾太子據立為皇太子上為立博望苑使通賓客商山老見卷李白詩魏文書文託乘於後車注時帝為太子故文學託後乘以從也

崔顥

黃鶴樓在武昌

昔人已乘黃鶴去此地空餘黃鶴樓黃鶴一去不

復返白雲千載空悠悠晴川歷歷漢陽樹芳草萋

萋鸚鵡洲日暮鄉關何處是煙波江上使人愁
未因正心形而爽猶也

象先神行語外縱筆寫去遂擅千古之奇

齊諧志黃鶴山者仙人子安乘黃鶴過此唐地理志鄂州江夏郡有漢陽縣水經注江水東逕歎父山之右岸當鸚鵡洲

行經華陰因華山在前故縣名華陰前今反六削不成

峒堯太華俯咸京天外三峯削不成武帝祠前雲

欲散仙人掌上雨初晴河山北枕秦關險驛路西

連漢時平借問路傍名利客何如此處學長生
三

謂芙蓉明星玉女漢五帝時在岐州雍縣南時神靈所止也

華山志曰靈九元祖也武

帝觀仙掌特立巨靈廟

張諤景龍進士第岐王範好士與開朝隱

九日

秋天林下不知春一種佳遊事也均絳葉從朝飛

著夜黃花開日未成旬將橫陌樹頻驚馬半醉歸

途數問人成遠登高併九日菜萸凡作幾年新

祖詠

望薊門

燕臺一去客心驚黃鐘大呂音響鐘鈿知鼓喧喧漢將營萬里寒光生

積雪三邊曙色動危旌沙場烽火侵胡月海畔雲

山擁薊城少小雖非投筆吏論功還欲請長纓

史記三邊外畔一統志薊門關在薊州王褒燕歌行惟有漠北薊城雲

崔曙

九日登望仙臺呈劉明府神仙傳河上公授漢文老子而去所在帝於西山築臺望之

漢文皇帝有高臺此日登臨曙色開三晉雲山皆

北向二陵風雨自東來關門令尹誰能識河上仙

翁去不迴且欲近尋彭澤宰陶然其醉菊花杯氣一

轉合就題有法

卷十三

漢書韓魏趙為三晉左微有二陵焉其南陵夏后阜之墓也其北陵文王之所辟風雨也
關合尹喜與老子遊流沙

◎李愷太原人以明經舉開元中為監察御史天寶中累官禮部尚書祿山亂遇

害謫忠諫

奉和聖製從蓬萊向興慶閣道中留春雨

中春望之作應制

雍錄大明宮龍朔二年改名蓬萊唐地理志興慶宮在皇城東南後築夾城入芙蓉園元和志秦始皇作閣道至驪山八十里人行橋上車行橋下

別館春還淑氣催三宮路轉鳳凰臺雲飛北闕輕陰散雨歇南山積翠來御柳遙隨天仗發林花不

待曉風開已知聖澤深無限更喜年芳入睿才首

蓬萊次句向興慶三四兩中五六春望結美御製

◎王維右丞七言律雍容都雅劇有餘情一唱三嘆味之不盡

奉和聖製從蓬萊向興慶閣道中留春雨

中春望之作應制

渭水自縈秦塞曲黃山舊繞漢宮斜鑿輿迤出千門柳閣道迴看上苑花雲裏帝城雙鳳闕雨中春樹萬人家為乘陽氣行時令不是宸遊玩物華制

詩應以此篇為第一

漢地理志扶風槐里縣有黃山宮月令陽氣發洲又天子乃與公卿大夫共飭國典論時

奉和聖製
中春望之作應制

令

敕賜百官櫻桃

歲時記四月一日內園進櫻桃寢廟薦訖頒賜各有差

芙蓉闕下會千官紫禁朱櫻出上蘭纔是寢園春

薦後非關御苑鳥銜殘歸鞍競帶青絲籠中使頻

傾赤玉盤飽食不須愁內熱大官還有蔗漿寒起

敕賜之由三四見敬禮臣下結見君恩無已詞氣雜和淺深合度與少陵野人送櫻桃詩均為三唐絕唱他如鄭谷鷓鴣崔珣鴛鴦雍陶白鷺墮詠物塵劫不啻莛楹之別矣三輔黃圖上林有上蘭園者非

樂府雙闕似芙蓉三輔黃圖孝文太后幸昭太后皆有寢園史記叔孫通傳孝惠帝幸春遊

獻陸下取櫻桃獻宗廟上詩之呂氏春秋含桃注鶯鳥所含食故言含桃樂府青絲為籠係漢宦者傳凡詔所徵求皆令西園騎密約勅號曰中使東觀漢記明帝宴羣臣大官進櫻桃以赤瑛盤賜羣臣月下視之盤與櫻桃同性甘寒漢百官表少府屬有大官注大官主膳食楚詞肺膾炮羔有蔗漿些

敕借岐王九成宮避暑應教

帝子遠辭丹鳳闕天書遙借翠微宮隔窻雲霧生

衣上卷幔山泉入鏡中林下水聲喧語笑巖間樹

色隱房櫺仙家未必能勝此何事吹簫向碧空

和賈至舍人早朝大明宮之作

唐地理志大明宮在禁苑東南貞觀八年置龍朔二年改曰蓬萊宮

絳幘雞人報曉籌尙衣方進翠雲裘九天閭闔開

宮殿萬國衣冠拜冕旒日色纔臨仙掌動香煙欲

傍袞龍浮朝罷須裁五色詔珮聲歸到鳳池頭早

借和詩右丞正大嘉州明秀有魯衛之目

賈作平平杜作無胡之正位不存可也

漢官儀夜漏未明三刻雞鳴衛士候於朱雀門外著絳幘雞人夜啼且以詔百官

周禮雞人夜啼且以詔百官唐百官志尙衣掌供冕服宋玉賦披翠雲之裘史記武帝紀作柏梁銅柱仙人掌之屬禮天子龍衮

事始石季龍詔書用五色緹銜於木鳳口而頌行選注鳳池中書省也

和太常韋主簿五郎溫泉寓日

舊書太常寺主簿二人掌印勾檢稽失省署抄目

漢主離宮接露臺秦川一半夕陽開青山盡是朱

旗繞碧澗翻從玉殿來新豐樹裏行人度小苑城

邊獵騎回聞道甘泉能獻賦懸知獨有子雲才

漢書注新豐縣南驪山頂有露臺漢書揚雄字子雲從上甘泉還奏甘泉賦以風

出塞作

居延城外獵天驕白草連天野火燒原微天驕野暮雲空磧時

驅馬秋日平原好射鵬護羌校尉朝乘障破虜將

軍夜度遼玉靶角弓珠勒馬漢家將賜霍嫫姚言上

疆場有警下言命將出師一結得彫弓弣分受言藏之意二馬字押脚亦是一病

一統志居延城在陝西甘州衛城東北後漢
百官志護羌校尉一
始拜世祖為破虜大
將軍說文鞞轡革

訓郭給事

洞門高閣霽餘暉桃李陰陰柳絮飛禁裏疎鐘官
舍晚省中啼鳥吏人稀晨搖玉珮趨金殿夕奉天
書拜瑣闈強欲從君無那老將因卧病解朝衣

吳都賦洞門方軌
總詩流泉灌金殿

積雨潤川莊作

積雨空林煙火遲蒸蒸炊黍餉東菑漠漠水田飛
白鷺陰陰夏木轉黃鸝山中習靜觀朝槿松下清

齋折露葵野老與人爭

席罷海鷗何事更相疑

謂水田飛白鷺夏木轉黃鸝乃李嘉祐句右丞襲
用之不知本句之妙全在漠漠陰陰去上二字乃
死句也况王在李前
安得云王襲李耶

詩疏藜藿葉皆似王芻蒸為茹古今注稻之
黏者為黍謝眺詩
我時辭佛晏晦清齋曹
靜闕衣巾楞嚴經
莊子陽子遇老子曰
植七畝霜蓄露葵
與居陽子曰敬聞命矣
而睢睢而目肝而誰
其往也舍者避席其
反也舍者與之爭席矣

送楊少府貶郴

隋地理志桂陽
郡平陳置郴

明到衡山與洞庭若為秋月聽猿聲愁看北渚三
湘遠惡說南風五兩輕青艸瘴時過夏口白頭浪

五兩侵風初

裏出溢城長沙不久留才子賈誼何須弔屈平北歸反惡南風語妙意曲能不

送方尊師歸嵩山

仙官欲住九龍潭毛節朱幡倚石龕嵩山壓天中半

天上洞穿江底出江南瀑布杉松常帶雨夕陽彩

翠忽成嵐借問迎來雙白鶴已曾衡岳送蘇耽

一統志龍潭在河南登封縣東二十五里嵩頂之東九潭相接其深莫測爾雅注衡南岳神仙傳蘇仙公白母某受命當仙即便拜辭封一櫃曰有所闕乏可以扣櫃言之所須當至慎勿開也三年母心疑困問之見雙白鶴飛去自後扣之無復有應

春日與裴迪過新昌里訪呂逸人不遇

一作四面

桃源一向絕風塵柳市南頭訪隱淪到門不敢題

凡鳥看竹何須問主人城上青山如屋裏東家流

水入西鄰閉戶著書多歲月種松皆作老龍鱗

漢萬章傳長安織成街閭各有豪俠章在城西柳市號曰柳市葛子夏晉注嵇康與呂安善後安來值康不在嵇喜出戶延之不入門上題鳳字而去鳳字乃凡鳥也又王子猷時吳中士大夫家有好竹欲觀便出輿造竹下往來諷肅良久主人灑掃請坐邀之不應而去抱朴子松樹三千歲者其皮中有聚脂狀如龍形

孟浩然

登安陽城樓

城在漢中府漢陰縣

縣城南面漢江流江漲開成南雍州才子乘春來

騁望羣公暇日坐銷憂樓臺晚映青山郭羅綺晴
驕綠水洲向夕波搖明月動更疑神女弄珠遊

一統志襄陽府三國魏置郡梁置南雍州南都賦游女弄珠於漢皋之曲

李頎東川七律故難與少陵右丞比肩然為圭臬又不善學之只存膚面宜招毛秋晴太史之譏也然譏諸子而痛掃東川毋乃因噎而廢食乎

送魏萬之京

度河以人言

朝聞遊子唱離歌昨夜微霜初度河鴻雁不堪愁
裏聽雲山况是客中過關城曙色催寒近御苑砧
聲向晚多莫是長安行樂處空令歲月易蹉跎結

勉以立功若曰勿以長安為行樂之地而蹉跎無成也

送司勳盧員外

唐百官志吏部之屬有四一曰吏部二曰司封三曰司勳四曰考功司勳郎中一人員外郎二人掌官吏勳級

流漸臘月下河陽草色新年發建章秦地立春傳

太史漢宮題柱憶仙郎歸鴻欲度千門雪侍女新

添五夜香早晚薦雄文似者故人今已賦長楊三

錄田鳳為尚書郎人奏事靈帝目送之因題柱曰堂堂乎張京兆田郎漢官儀尚書郎入直女侍史力手被服持香鑪隨入臺中

楚詞流澌紛兮將來下注流澌解冰也河陽屬河南三輔黃圖建章宮在未央宮西長安

城外漢楊雄傳客有薦雄文似相如者
召雄待詔承明之庭明年雄上長楊賦

題濬公山池

遠公遁跡廬山岑開士幽居祇樹林
片石孤雲窺色相清池皓月照禪心
指揮如意天花落坐卧聞房春草深
此外俗塵都不染惟餘元度得相尋

慧遠居廬山開士僧稱金剛經佛在舍衛國祇樹給孤獨園楞嚴經離諸色相舊注晉高僧手持如意塵尾以資談典雲光佛經天花亂墜續晉陽秋許詢與法門支遁友善

寄基母三潛

新加大邑綬仍黃近與單車向洛陽顧盼一過承
相府風流三接令公香南川粳稻花侵縣西嶺雲

霞色滿堂其道進賢蒙上賞看君幾歲作臺郎

漢百官表比二千石以上皆銅印黃綬又循吏傳龔遂單車獨行至府答賓戲虞卿以顧盼而捐相印世說荀令君至人家坐席三日香

送李回

知君官屬大司農詔幸驪山職事雄
歲發金錢供御府畫看仙液注離宮
千巖曙雪旌門上十月寒花輦路中
不觀聲名與文物自傷留滯去關東

仙液謂湯池漢書大司農掌錢穀金帛

宿瑩公禪房聞梵

花宮仙梵遠微微。月隱高城鐘漏稀。夜動霜林驚
落葉。曉聞天籟發清機。蕭條已入寒空靜。颯沓仍
隨秋雨飛。始覺浮生無住著。頓令心地欲皈依。
白帖佛寺曰花宮。庾信詩仙梵入伊笙。擣
素賦落英為之擲。查注。颯沓衆盛貌。舊注僧
有三皈依謂皈依佛
皈依法。皈依僧也。

題盧五舊居

物在人亡無見期。閒庭繫馬不勝悲。窻前綠竹生
空地。門外青山似舊時。悵望秋天鳴墜葉。噴噴枯
柳宿寒鴉。憶君淚落東流水。歲歲花開知是誰。

謝眺詩茲嶺復噴
噴注噴所高峻貌

高適

送前衛縣李案少府

一統志衛縣
殷朝歌地

黃鳥翩翩楊柳垂。春風送客使人悲。怨別自憐千
里外。論交却憶十年時。雲開汶水孤帆遠。路繞梁
山匹馬遲。此地從來可乘興。留君不住益淒其。
情不

深而自遠景不麗
而自佳酌使之也

兗州志瀋州有汶水。梁
山在東平州壽張縣界

送李少府貶峽中王少府貶長沙

嗟君此別意何如。駐馬銜盃問謫居。巫峽啼猿數

行淚衡陽歸雁幾封書青楓江上秋天遠白帝城長沙
邊古木疎聖代卽今多雨露暫時分手莫躊躇用連
四地名宛非律詩所宜
五六渾言之斯善矣

夜別韋司士得城

高館張燈酒復清夜鐘殘月雁歸聲只言啼鳥堪
求他無那春風欲送行黃河曲裏沙為坼白馬津
邊柳向城莫怨他鄉暫離別知君到處有逢迎以
皆近酬應詩因神韻使人
不覺知近體貴神韻也
九域志黎陽津
一名白馬津

岑參嘉州

和賈至舍人早朝大明宮之作

雞鳴紫陌曙光寒鶯囀皇州春色闌金闕曉鐘開
萬戶玉階仙仗擁千官花迎劍佩星初落柳拂旌
旗露未乾獨有鳳凰池上客陽春一曲和皆難早

大明宮詩以嘉州為第一精神色澤
種種絕妙明秀二字不足以盡之
謝莊應詔詩紫陌協笙
鏞禽經營喜則嚮

和祠部王員外雪後早朝卽事

唐六典祠部郎中員外掌祠祀享
祭天文刻漏卜筮醫藥道佛之事

長安雪後似春歸積素凝華連曙輝色借玉珂迷
曉騎光添銀燭晃朝衣西山落月臨天仗北闕晴

雲捧禁闈聞道仙郎歌白雪關合由來此曲和人稀

謝惠連詩種素惑原瞻沈約詩疑華入黼帳

奉和杜相公發益州唐書崔暉殺郭英又據成都上命宰相杜

鴻漸鎮撫之

相國臨戎別帝京擁旌持節遠橫行朝登劍閣雲

隨馬夜度巴江雨洗兵山花萬朶迎征益川柳千

條拂去旌暫到蜀城應計日須知明主待持衡

梁元帝合周曰天官秦稱相國班固文持節雍旄劍閣巴江俱在蜀魏文共要大將將行雨編衣冠是謂洗兵

九日使君席奉餞衛中丞赴長水

唐地理志河南府長水縣

節使橫行西出師鳴弓擐甲羽林兒臺上霜威凌

艸木軍中殺氣傍旌旗預知漢將宣威日正是胡

塵欲滅時為報使君多汎菊更將綵管醉東籬

漢百官表取從軍死事之子孫養羽林官教以五兵號曰羽林孤兒

首春渭西郊行呈藍田張二主簿

回風度雨渭城西細草新花踏作泥秦女峯頭雪

未盡胡公陵上日初低愁窺白髮羞微祿悔別青

山憶舊溪聞道輞川多勝事玉壺春酒正堪攜

舊注蜀本紀秦王獻美女於蜀王蜀王遣五丁迎女秦女上山化為石今藍田有秦嶺

志胡公泉在鄂縣西
七里旁有胡公廟

暮春號州東亭送李司馬歸扶風別廬

柳暉鶯嬌花復殷紅亭綠酒送君還到來函谷愁

申月歸去磻溪夢裏山簾前春色應須借世上浮

名好是開西望鄉關腸欲斷對君衫袖淚痕斑

函谷關名磻溪在
寶雞東南八十里

賈至

早朝大明宮呈兩省僚友

銀燭朝天紫陌長禁城春色曉蒼蒼千條弱柳垂

青瑣百轉流鶯繞建章劍珮聲隨玉墀步衣冠身

惹御爐香其沐恩波鳳池上朝朝染翰侍君王

青瑣門名建章宮名漢武曲玉墀塵生唐
儀衛志朝日設熏爐香案潘岳序染翰操紙

萬楚開元中進士字
與里居未詳

驄馬

金絡青驄白玉鞍長鞭紫陌野遊盤朝驅東道塵

恒滅暮到河源日未闌汗血每隨邊地苦蹄傷不

憚隴陰寒君能一飲長城窟為盡天山行路難幾

追步老杜詠馬詩諸家舍此只取五日觀妓謂末
句却今日死君家與綵絲續命關合巧則巧矣

詎非風雅
之譽耶

張謂

卷十三

別韋郎中 應是已適楚韋適蜀故中二聯分寫三四寫情五六寫景不嫌

其復

星軺計日赴岷峩雲樹連天阻笑歌南入洞庭隨

鴈去西過巫峽聽猿多崢嶸洲上飛黃葉灑灑堆

邊起白波不醉郎中桑落酒教人無奈別離何

飛黃葉別本

作黃蝶誤 一統志岷山在四川成都府茂州羌之列鸞村 峨眉山在眉州城南二百里 洞庭湖名巫峽 山名一統志岷嶺在瞿唐峽口 世說桑落河多美 武昌巖頽堆在瞿唐峽口 酒有劉白墮善釀熟 於桑落之辰因得名

杜侍御送貢物戲贈

瞿唐峽 灑灑堆

銅柱珠崖道路難伏波橫海舊登壇越人自貢珊

瑚樹漢使何勞解豸冠疲馬山中愁日晚孤舟江

上畏春寒由來此貨稱難得多恐君王不忍看

亦婉謝侍御

廣州記馬援到交趾立銅柱為漢之極界 地理志崖州珠崖郡屬嶺南道 馬援傳交趾 反拜援伏波將軍 漢書韓說為橫海將軍擊 破東越三輔黃圖上林苑積草池中有珊瑚 樹一木三柯南越王趙佗所獻 後漢輿服志 法冠執法者服之或謂之獬豸冠 獬豸能 別曲直故以為冠 子不貴難得之貨 老

春園家宴

南園春色正相宜大婦同行小婦隨竹裏登樓人

不見花間覓路鳥先知。櫻桃解結垂簷子。楊柳能
低入戶枝。山簡醉來歌一曲。參差笑殺郢中兒。

李白

登金陵鳳凰臺

鳳凰臺上鳳凰遊。鳳去臺空江自流。吳宮花草埋

幽徑。晉代衣冠成古丘。三山半落青天外。二水中

分白鷺洲。總為浮雲能蔽日。長安不見使人愁。從

北十二里有三山相接。城西有白鷺洲。江寧

山合流至建康。分為二支。中夾一洲。名白鷺洲。

六朝事跡。宋元嘉中。鳳凰集於此。山乃築臺。於山腰。在府城西南二里。今保寧寺是也。

送賀監歸四明應制

四明山在寧波府南。百五十里。上有石窗。

通日月星辰。故曰四明。

久辭榮祿遂初衣。曾向長生說息機。真訣自從茅

氏得。恩波應許洞庭歸。瑤臺含霧星辰滿。仙嶠浮

空鳥嶼微。借問欲栖珠樹鶴。何年卻向帝城飛。

晉孫綽傳。居會稽十餘年。作遂初賦。楚詞。退將復修吾初服。洞仙傳。茅濛字初成。師鬼谷先生。受長生之術。神丹之方。楚詞。注吳中太湖一名洞庭。而巴陵之洞庭亦謂之太湖。列子。渤海之東有五山焉。一曰仙嶠。

別中都兄明府

吾兄詩酒繼陶君。試宰中都天下聞。東樓喜奉連

枝會南陌愁為落葉分城隅綠水明秋日海上青

山隔暮雲取醉不辭留夜月雁行中斷惜離羣

本集注陶君指淵明唐中都縣隸鄆州蘇武詩况我連枝樹南史悲落葉落葉何時還宿昔其本根無

復一相關

鸚鵡洲 黃祖殺禰衡葬於江中之洲因衡賦鸚鵡故洲以是名

鸚鵡來過吳江水江上洲傳鸚鵡名鸚鵡西飛隴

山去芳洲之樹何青青煙開蘭葉香風暖岸夾桃

花錦浪生遷客此時徒極目長洲孤月向誰明

筆為律詩盛唐人等有之大歷後此調不復彈矣

鮑照詩雖沉吳江水禽

杜甫 杜七言律有不可及者四學之博也才之大也氣之盛也格之變也五色藻續八音和鳴後人如何鬚髯王摩詰七

言律風格最高後饒遠韻為唐代正宗然遇村秋興諸將詠懷古蹟等篇恐瞠乎其後以杜能包王王不能包杜也

實為宋元人濫觴才大自無所不可也然亭杜者不應從此種人凡名家詩有名句可

采如鄭鵷鵠崔鴛鴦趙倚樓之類是也杜詩議論正器局高却無名句可采所以彥恢高

氏獨列為大家

題張氏隱居 即張翊也

春山無伴獨相求伐木丁丁山更幽澗道餘寒歷

冰雪石門斜日到林丘不貪夜識金銀氣遠害朝

看麋鹿遊乘興管然迷出處對君疑是泛虛舟

何言其識之清遠害句

言其識之曠不必穿鑿
史記破國之難下有積錢金寶之上皆有氣
又糜鹿遊於野莊子方舟而濟於河有虛船
來觸舟雖福心之人不
怒謝安傳贊曠若虛舟

城西陂泛舟

城西陂
即漢陂

青蛾皓齒在樓船橫笛短簫悲遠天春風自信牙
檣動遲日徐看錦纜牽魚吹細浪搖歌扇燕蹴飛
花落舞筵不有小舟能盪漿百壺那送酒如泉

宋南平王白紵曲佳人舞袖曜青蛾
齒蛾眉江總詩橫笛短簫吹復咽
賦鐵袖牙檣與爾詩錦纜迴砂壘
歌扇歌者以扇障面也陰鏗詩鶯呼歌扇後
哀江南
本集注

九日藍田崔氏莊

老去悲秋強自寬興來今日盡君歡

事

吹帽笑倩傍人為正冠藍水遠從千澗落玉山高

水玉山

並兩峯寒明年此會知誰健醉把茱萸子細看

晉書孟嘉為桓溫參軍九月九日溫燕龍山有
風至吹嘉帽墮嘉不之覺溫命孫盛作文嘲
嘉嘉即答之其文甚美魏志曹植善屬文太
祖曰汝清人耶淮南子坐而正冠起而更衣
三秦記藍田有山方三十里其水北流出玉
石合溪谷之水
山玉

崔氏東山草堂

東山
田山

愛汝玉山草堂靜高秋爽氣相鮮新
有時自發鐘磬響落日更見漁樵人
盤剝白鴉谷口栗飯煮青

泥坊底芹何為西莊王給事柴門空閉鎖松筠此古為律謂之物體可偶一為之芹韻在十二文應是尊字王維輞川在藍田之西故云西莊似有諷之歸

來意 長安志白鴉谷在藍田縣東南二十里其地宜粟 又青泥城在藍田縣南七里

紫宸殿退朝口號隨口行吟

唐六典紫宸殿即內朝正殿雍錄舍元之北為宣政之北為紫宸

戶外昭容紫袖垂雙瞻御座引朝儀香飄合殿春風轉花覆千官淑景移書漏稀聞高閣報天顏有喜近臣知宮中每出歸之省會送藥龍集鳳池乃內殿故所詠皆宮中之景與大明宮自別

唐制昭容正二品係九嬪又天子坐朝宮人引至殿上 本集注左拾遺隸門下省而門下在東故曰東省 書讓于藥龍

曲江對雨

城上春雲覆苑牆江亭晚色靜年芳林花著雨燕脂濕水荇牽風翠帶長龍武新軍深駐輦芙蓉別殿謾焚香何時詔此金錢會暫醉佳人錦瑟傍中蓬萊宮闕 唐峽口之作諸將中洛陽宮殿迴首扶桑之作連此篇景色俱備如洞庭美人芙蓉衣而翠羽旗非人世間物色 前半寫雨景之寂靜後半懷南內之淒涼不忘上皇也末冀復見金錢之會無限低徊 上皇改龍武軍從夾城達芙蓉園今云深駐輦謾焚香見不復檢閱臨幸也 開元二年宴百官於承天門令左右攜金錢賜之爭拾宴時太常教坊樂具在故曰佳人

沈約詩麗日屬上已年芳俱在斯古今注燕支葉似薊花似蒲公出西方土人以染王注

送鄭十八虔貶台州司戶傷其臨老陷賊

之故闕為面別情見于詩

鄭公擣散髮成絲酒後常稱老畫師萬里傷心嚴

譴日百年垂死中興時蒼黃已就長途往邂逅無

端出餞遲便與先生應永訣九重泉路盡交期屈

赴題清空一氣與開官軍

收河南河北同是一格通鑑至德二載十二月陷賊官六等定罪三等

昔流貶虔在次三等與台州度好書善畫

至日遣興奉寄北省舊閣老兩院故人

憶昨逍遙供奉班去年今日侍龍顏麒麟不動爐

煙上孔雀徐開扇影還玉几由來天北極朱衣只

在殿中間孤城此日腸堪斷愁對寒雲雪滿山此

出為華州掾故有此詩追憶去歲朝儀而今不得與倦俗有故主之思焉

原注拾遺掌供奉諷諫晉禮儀大朝會即壇

宮皆以金鍍九尺麒麟香爐唐儀衛志朝日殿

上設黼辰罽席熏爐香案唐六典大朝會則

孔雀扇一百五十有六分居左右西京雜記

天子玉几唐儀衛志朝日御史大夫領屬

丞相祠堂何處尋錦官城外柏森森映階碧草自

春色隔葉黃鸝空好音樂括武侯士一平激昂痛三顧頻煩天下計兩朝開濟老臣心出師未捷身先死長使英雄淚滿襟開濟

言開基濟美合兩朝言之

楚詞注公卿祠堂寰宇記武侯祠在先主廟西本集注祠有武侯手植古柏出師表三顧臣於草廬之中本集注兩朝指先主後主諸葛亮傳亮悉大眾由斜谷出據武功五丈原與司馬懿對峙於渭南相持百餘日疾卒於軍

野老

野老籬前江岸迴柴門不正逐江開漁人網集澄潭下估客船隨返照來長路關心悲劍閣片雲何意傍琴臺前王師未報收東郡城闕秋生畫角哀寫

晚景後寫旅情不必承接社詩中偶有此格

劍閣在蜀玉壘記相如琴臺在沱江花溪北宋注東郡指東京諸郡原注至德二一年陞成都為南京故得爾城關

送韓十四江東覲省

兵戈不見老萊衣歎息人間萬事非我已無家尋弟妹君今何處訪庭闈黃牛峽靜灘聲轉白馬江寒樹影稀此別應須各努力故鄉猶恐未同歸前

言江東覲省後午言蜀江送別

老萊子着五色斑斕衣補亡詩谷懸庭闈心不遑安一繞志黃牛山在夷陸州西九十里白馬在崇慶州東北十里水經注黃牛山下有灘名曰黃牛灘

野人送朱櫻

西蜀櫻桃也。自紅野人相贈滿筠籠。數迴細寫愁
仍破萬顆勻圓訝許同。開筆憶昨賜露門下省。退朝擎
出大明宮。金盤玉筋無消息。此日嘗新任轉蓬。闕筆
紅愁仍破訝許同俱對賜櫻桃著筆下半流走直
下格法獨創曲禮器之概者不寫其餘皆寫謂
傅之器中也

南鄰

錦里先生烏角巾。園收芋栗未全貧。白然慣看賓客兒
童喜得食階除。鳥雀馴秋水纔添四五尺。野航恰
受兩三人。白沙翠竹江邨暮。相送柴門月色新。前

言造南鄰之居後
半言同舟送別也

南史劉巖隱逸不仕
常着緇衣小烏巾

和裴廸登蜀州東亭送客逢早梅相憶
寄

東閣官梅動詩興。還如何遜在揚州。照眼曲州此時對雪遙
相憶。送客逢春可自由。幸不折來傷歲暮。若為看
去亂鄉愁。江邊一樹垂垂發。朝夕催人自白頭。

客至原注喜峯
明府相過

舍南舍北皆春水。但見羣鷗日日來。花徑不曾緣
客掃。蓬門今始為君開。盤飧市遠無兼味。樽酒家

貧只舊醅肯與鄰翁相對飲
隔籬呼取盡餘盃

左盤殮加璧 潘岳詩重珍兼味 易 樽酒簞貳 廣 酌醅酒未澆也

賓至

自謙實

幽棲僻地經過少
老病人扶再拜難
豈有文章驚

海內自注也漫勞車馬駐
江干竟日淹留佳客坐
百年

鸚鵡儒餐不嫌野外無供給
乘興還來看藥欄後

魏肅為鉅鹿太守 常服粗糲糲音辣

恨別

洛城一別四千里
胡騎長驅五六年
草木變衰行

劍外兵戈阻絕老
江邊思家步月清宵立
憶弟看

雲白日眠聞道河陽近
乘勝司徒急為破幽燕若

如何思如何憶情事易盡步 月看雲有不言神傷之妙

李光弼傳乾元二年冬十月光弼悉軍赴河陽 大破賊衆上元元年進圍懷州通鑑上元元年 三月光弼破安太清於懷州城下 夏四月又破史思明於河陽西渚

秋盡

秋盡東行且未迴
茅齋寄在少城隈
籬邊老却陶

潛菊江上徒逢袁紹盃
雪嶺獨看西日落
劍門猶

阻北人來不辭萬里長
為客懷抱何時得好開

邵注少城在成都大城之西張儀所築 說文 隈水回也 續晉陽秋陶潛嘗九日無酒出菊 花叢中摘盈把坐其側 鄭玄傳袁紹總兵冀 州遣使邀去大會賓客公最後至乃延升上坐

身長八尺飲酒一斛
秀眉明目容儀溫偉

野望

西山白雪三城戍南浦清江萬里橋
海內風塵諸弟隔天涯涕淚一身遙
惟將遲暮供多病未有涓埃答聖朝
跨馬出郊時極目不堪人事日蕭條

思家後半思國

一統志西山在成都府西一名雪嶺唐氏注三城戍即松維堡三城唐志注唐興有羊灌田明竿繩橋三城高適傳上皇還京後分劍南為兩節度百姓弊於調度而西山三城列戍統志萬里橋在成都府中利門外

聞官軍收河南河北

兩河俱收安史之亂始熄

唐書寶應元年冬十月僕因懷恩等屢破史朝義兵進克市不京其將薛嵩以相衛等州降張志忠以固趙等州降次年春正月朝義走至鹿野自縊其將田承嗣以莫州降李懷仙以幽州降

劍外忽傳收薊北初聞涕淚滿衣裳却看妻子愁

何在漫卷詩書喜欲狂白日放歌須縱酒青春作

伴好還鄉即從巴峽穿巫峽便下襄陽向洛陽

流注不見句法字法之跡對結自是落句故收得住若他人為之仍是中間對偶便無氣力

登高

風急天高猿嘯哀渚清沙白鳥飛迴無邊落木蕭蕭下不盡長江滾滾來萬里悲秋常作客百年多病

病獨登臺艱難苦恨繁霜鬢潦倒新停濁酒杯皆對起二句對舉之中仍復用韻格奇而變昔人謂兩聯俱可截去二字試思落木蕭蕭下長江滾滾來成何語耶一氣呵成光芒萬丈登高第一首詩結語意盡詞竭不必曲為之諱

將赴荆南寄別李劍州

使君高義驅今古寥落三年坐劍州但見文翁能

化俗焉知李廣未封侯路經豔潏雙蓬髮天入滄

浪一釣舟戎馬相逢更何日春風迴首仰宣樓句鍊字切荆南

邵注唐制刺史行部糾察郡縣與繡衣同稱使君唐地理志劍州普安郡屬劍南道漢循吏傳文翁為蜀郡守修起學宮於成都市中吏民大化蜀地學於京師者比齊魯焉史記李廣傳廣嘗與望氣者王朔燕語曰自漢擊匈奴廣未嘗不在然無尺寸功以得封邑豈吾相不

當侯耶豔潏堆在瞿唐城口芝詞注滄浪漢水下流荆州記當陽城樓仲宣登之作賦

將赴成都草堂途中有作先寄嚴鄭公五

首

得歸茅屋赴成都直為文翁再剖符原再剖符但使閣閣還

揖讓敢論松菊久荒蕪魚知丙穴由來美酒憶郫

筒不用醅五馬舊曾諳小徑幾回書札待潛夫

蜀都賦嘉魚出於丙穴注丙穴在漢中沔陽縣北有魚穴二所黃云蜀多丙穴魚成都記成

都府西五十里因水標名曰郫縣以竹筒盛美

酒號為郫筒一統志相傳山壽治郫川筠管釀

醉醪作酒兼旬方問香聞百草今其法不傳本集注武昔攜酒饌至草堂故云五馬舊曾

諳小徑古詩遺我一書札後漢王符傳著書二十餘篇號潛夫論

處處清江帶白蘋故園猶得見殘春雪山斥埃無

兵馬錦里逢迎有主人休疑惟見童延俗客不教鵝

鴨惱比隣習池未覺風流盡况復荆州賞更新以山簡止鄭公

賈誼傳斥
侯望烽燧

竹寒沙碧浣花溪橋刺勝精思尺迷過客徑須愁

出入居人不自解東西書籤寒裏封蛛網野店山

橋送馬蹄此等巧字而不一青藉荒庭春草色先拚一飲醉如泥

震宇託浣花溪在成都西郊外一名百花潭後漢周澤傳為大常清滌循行盡敬宗廟嘗卧疾齋宮其妻闕問所苦澤怒以妻下犯齋禁遂收詔獄時人謂之語曰生世一不諧作大常妻一歲三百六十日三百五十九日齋一日不齋醉如泥

常苦沙崩損藥欄也從江檻落風湍新松恨不高言外有扶

千尺君子抑小人意惡竹應須斬萬竿生理祇憑黃閣老衰顏欲

付紫金丹三年奔走空皮骨信有人間行路難

蔡注兩省相呼為閩老武在至德間為給事中時公為左拾遺正聯兩省也雲笈七籤金丹法火至七十日藥成五色飛華紫雲亂映名曰紫金其蓋上紫霜名曰神丹

錦官城西生事微烏皮几在還思歸昔去為憂亂

兵入今來已恐鄰人非側身天地更懷古回首風

塵甘息機共說總戎雲鳥陣不妨遊子芰荷衣五章

通作一章

高士傳晉宋明不仕杜阿註黃老孫登惠烏羔皮裘几舊注唐人以節度為總戎六韜以

車騎分爲雲鳥之陣取
雲散鳥飛變化無窮也

登樓

妙在倒裝若一倒轉與近人詩何異
花近高樓傷客心萬方多難此登臨錦江春色來

天地玉壘浮雲變古今北極胡廷終不改西山冠

盜莫相侵可憐後主還祠廟日暮聊爲梁甫吟

雄偉籠蓋宇宙此杜詩之最上者錢箋謂代宗
任程元振魚朝恩致蒙塵之禍故以后主之任黃

皓比

一統志玉壘山在成都府灌縣西
北本集注西山冠盜謂吐蕃也

宿府

清秋幕府井梧寒獨宿江城蠟炬殘永夜角聲悲

自語中天月色好誰看風塵荏苒音書絕關塞蕭

條行路難已忍伶俜十年事強移棲息一枝安

閣夜

此西閣
夜中作

歲暮陰陽催短景天涯霜雪霽寒宵五更鼓角聲

悲壯三峽星河影動搖野哭千家聞戰伐夸歌幾

處起漁樵卧龍躍馬終黃土人事音書漫寂寥

賢愚同盡則目前人事遠地音書亦付之寂寥而

州祠廟
而及之

天宮書注左旗九星在河鼓左右旗九星在河

鼓右動搖則兵起蜀都賦陪以白狼夷歌成

章蜀志祿庶謂先主
曰諸葛孔明卧龍也

白帝城最高樓

城尖徑仄旌旆悠，獨立縹緲之飛樓。峽坼雲霾龍

虎臥，江清日抱龍。龍遊扶桑西，枝對斷石弱水東。

影隨長流杖藜歎世者，誰子泣血遊空迴。白頭

古體對法律體 兩者兼用之 山海經大荒之中陽谷上有扶桑十日所浴居

水中有大木九日居下枝一日居上枝 淮南

子弱水自窮石注窮石在 張掖北其水弱不能出羽

秋興八首 潘岳有秋賦言因秋而感興 重在意不在秋也每章中時見

玉露凋傷楓樹林，巫山坐峽氣蕭森。江間波浪兼

天湧，塞上風雲接。地陰叢菊兩開他日淚，孤舟一

繫故園心。寒衣處處催刀尺，白帝城高急暮砧。

乃八章發端也故 園心與 注射

夔府孤城落日斜，每依北斗望京華。聽猿實下三

聲淚，奉使虛隨八月槎。畫省香爐遠伏枕，山樓粉

堞隱悲笳。請看石上藤蘿月，已映洲前蘆荻花。

華入章之旨持於 此章指出身屬夔府心 不能不為之黯然也

舊書貞觀十四 年夔州為都督府 巴東三峽 巫峽長猿鳴三 聲淚沾裳 荆楚歲時託漢武

一女織一丈夫 牽牛飲河鵞問曰此是何處答 曰可問嚴君平 及還至蜀問君平君平曰某年

某月客星犯牛 女 漢官儀尚書省中皆以胡

粉塗壁畫古賢烈士尚晉郎人直給女侍史二

人執香爐燒薰從入臺中張曰山樓即西閣

孔德紹詩雲葉掩山樓邵注女牆飾以

聖上故曰粉堞梁簡文詩平江含粉堞

千家山郭靜朝暉日日江樓坐翠微信宿漁人還

之韻泊泛泛清秋燕子故飛飛匡衡抗疏功名薄劉向傳

經心事違同學少年多不賤五陵衣馬自輕肥

就上就夔府言以下就長安言此入詩分界處也

或謂未旬五陵逗起長安此又失之於纖矣

庚信詩石岸似江樓爾雅疏山氣青縹色曰

翠微匡衡傳永帝初即位有日食地震之變

上問以政治得失衡數上疏陳便宜上悅其言

遷衡為光祿大夫大夫子少傅劉向傳或帝即

位詔向領校中五經秘書河平中子歆受詔與

父領校秘書哀帝時歆復領五經卒父前業

聞道長安似奕棋百年世事不勝悲王侯第宅皆

新主文武衣冠異昔時直北關山金鼓震征西車

馬羽書馳魚龍寂莫秋江冷故國平居有所思

指朝廷之變遷後半指邊境之侵逼北憂

回紇西患吐蕃追維往事不勝今昔之惑

左太叔文子曰審子視君不如奕棋奕者舉棋

不定不勝其耦而况置君而弗定乎水經注

魚龍以秋日為夜龍秋分而

降蟄寢於淵故以秋為夜也

蓬萊宮闕對南山承靈金莖霄漢間西望瑤池降

王母東來紫氣滿函關雲移雉尾開宮扇日繞龍

鱗識聖顏一卧滄江驚歲晚幾回青瑣點朝班

長安全盛時宮闕壯麗朝省尊

嚴而未歎已之久還朝字也

蓬萊官節大明官南山終南山也漢武承露金

莖在建章宮漢武齋居王母至關令尹見東極

有紫氣遇老子儀衛

羅塘峽口曲江頭京華萬里風煙接素秋花萼夾城通

御氣芙蓉小苑人見有德邊愁珠簾繡柱圍黃鵠錦纜牙

檣起白鷗迴首可以憐歌舞地秦中自古帝王州此

叙長安失陷之由城通御氣指敦倫勤政時苑入

下追叙游幸之時見盛衰無窮猛省

常自古為然言外無窮猛省

明皇置花芳樓築夾城至芙蓉苑西京雜記

傍曲池西京雜記錦纜牙檣見前

昆明池水漢時功武帝旌旗在眼中織女機絲虛

夜月石鯨鱗甲動秋風波漂菰米沉雲黑露冷蓮

房墜粉紅關塞極天惟鳥道江湖滿地一漁翁借

喻唐極寫蒼涼景象結意身隔鳥道跡比漁翁見

還京無期也中間故實點化西京賦及西京雜

語中

漢書武帝穿昆明池長安志昆明池在長安縣

西二十里三輔黃圖昆明池中立牽牛織女

於池之東西以象大河又刻石為鰲魚長三丈

每至雷雨常鳴吼鬣尾皆動本草圖經菰即

菱白其臺中有黑者謂之菱鬱結實乃彫菰米

也庾肩吾詩黑米生菰葑青花出稻苗陶詩

昔為三春藻今作秋蓮房庾肩

吾詩秋樹翻紅葉寒池墜黑蓮

昆吾御宿自逶迤紫閣峯陰入漢陂一二韻倒裝

鵝粒碧梧棲老鳳凰枝佳人拾翠春相問與水

舟晚更移綵筆昔曾干氣象白頭吟望苦低垂此

追叙交遊一結并收拾入章所謂故園心望京華者一付之苦吟悵望而已曰巫峽曰夔府曰瞿唐曰江樓滄江關塞皆言身之所處曰故國故園曰京華長安蓬萊曲江昆明紫閣皆言心之所思此入詩中線索也懷鄉戀闕弔古傷今杜老生平具見於此其才氣之大筆力之高天風海濤金鐘大鏞莫能擬其所到

長安志昆吾亭在藍田縣境御宿川在萬年縣西南四十里紫閣峯在鄠縣東南漢陂在鄠西縣

詠懷古跡五首

支離東北風塵際漂泊西南天地間三峽樓臺淹

日月五溪衣服共雲山羯胡事主終無賴詞客哀

時且未還庾信平生最蕭瑟暮年詩賦動江關

古跡猶云借古跡以詠懷也謂首章詠懷下四章占對者非此章以庾信自况非專詠庾也五六語已與庾信雙關以上少陵自叙

叙州圖經五溪諸蠻遙接益州西郡庾信傳信在周雖位望通顯常有鄉關之思乃作哀江南賦以致其意漢書注無賴材無可恃也哀江南賦壯士不還寒風蕭瑟括地志江關今夔州魚復縣南二十里江南岸白帝城

搖落深知宋玉悲風流儒雅亦吾師悵望千秋一灑淚蕭條異代不同時江山故宅空文藻雲雨荒

臺豈夢思最是楚宮俱泯滅舟人指點到今疑

唐之賦乃假托之詞以諷淫或非真有夢也懷宋王亦所以自傷言斯人雖行文藻猶存不與楚宮同其泯滅其寄慨深矣

宋玉九辯悲哉秋之為氣也蕭瑟兮草木搖落而變衰庾信枯樹賦殷仲文風流儒雅海內知名趙注歸州荆州皆有宋玉宅此言歸州宅也寰宇記楚宮在巫山縣西二百步陽臺古城內即襄王所遊之地陽雲

臺高一百二十丈南枕長江所種無解珍惜羣山萬壑赴荆門生長明妃尚有村一去紫臺連

朔漢獨留青塚向黃昏畫圖省識春風面環珮空

歸夜月魂千載琵琶作胡語分明怨恨曲中論詠

君詩此為絕唱餘皆平平至楊憑馬腕絃管向陰山風斷下矣

荆門山名一統志昭君村在荆州府歸州東北四十里文選別賦注紫臺即紫宮也青

塚昭君墓淮南子曰至虞淵是謂黃昏蓋

圖見卷一昭君墓石崇序昔公主嫁烏孫合

蜀主窺吳幸三峽崩年亦在永安宮翠華想像空

山裏玉殿虛無野寺中古廟杉松巢水鶴歲時伏

臘走村翁武侯祠屋常鄰近一體君臣祭祀同日

翠華明以天子待之也於魏武則曰英雄割據

益知以正統子蜀矣考亭南軒以前少陵已持此

論稱蜀主出舊號也

華陽國志先主戰敗委舟舫由步道還魚復改

魚復為永安明年正月召丞相亮於成都四月

殂於安永安官原注殿今為卧龍寺廟在官東

抱朴子千歲之鶴能登於木其未千歲者終不

能集於樹上春秋繁露注鶴水鳥也揚惲書

歲時伏臘一統志武侯廟在夔州府治入陣

臺下王褒四子講德論君為元

首臣為股肱明其一體相待而成

諸葛大名垂宇宙宗臣遺像肅清高三分割據紆

籌策萬古雲霄一羽毛論斷伯仲之間見伊呂指揮若

定失蕭曹運移漢祚終難復志決身殲軍務勞所云鞠躬盡瘁

羽毛猶鸞鳳高翔狀其才品之不可及也文中子

謂諸葛武侯不死禮樂其有與乎即失蕭曹之旨

此議論之最髙者後人謂

詩不必著議論非通言少

漢書贊蕭何曹參為一代宗臣魏文典論傳

殺之於班固伯仲之偏耳彭萊與亮書足下

乃當世伊呂陳平傳誠能去兩短集兩長天

下指揮即定矣丙吉傳贊高祖開基蕭曹為

諸將五首

漢朝陵墓對南山胡虜千秋尙入關言陵墓之昨日玉魚蒙

葬地表早時金盃出人間見愁汗馬西戎逼曾閱朱

旗北斗殷多少材官守涇渭將軍且莫破愁顏此

吐蕃內侵諸將不能禦悔而

作也不忍斥言故借漢為比

兩京新記宣政殿初成每見數十騎馳突出高

宗使巫祝劉明奴問其所由鬼曰我漢楚王戊

太子死葬于此奴曰我當時入朝以道遠不從坐後病

得葬此鬼曰我漢書自遺誤耳明奴因宣認

死天子於此葬我漢書自遺誤耳明奴因宣認

欲為改葬鬼曰也人誠不安改葬幸甚天子敘

我玉魚南史沈炯經漢武通天臺為表奏之其

畧盡甲帳珠簾一朝零落茂陵玉盃遂出人

搜神記盧充家西有崔少府墓充一日入一府

舍見少府少府以女與充為婚三日崔曰看可

歸女生男當以相還姑四年三月三日臨水戲

忽見崔氏抱兒還充又與金盃之女未嫁而亡贈

市賣盃崔女姨母曰昔吾妹之女未嫁而亡贈

一金盃若棺中胡應麟曰以金盃字入玉盃語

九月回紇吐蕃合兵圍涇陽及暮二虜
退屯北原前漢書注材官武技之臣

韓公本意築三城擬絕天驕拔漢旌豈謂盡煩回

紇馬翻然遠救朔方兵胡來不覺潼關隘龍起猶

聞晉水清濁使至尊憂社稷諸君何以荅升平韓

張仁愿也于河北築三受降城此為回紇入境

責諸將不能分憂而言也築城本以禦寇豈謂

反預阻紇以平亂耶故追

思開創之主以勛諸君

山海經縣宛之山晉水出焉而東南流注于汾

水一行并州起義堂頌我高祖龍躍晉水鳳翔

太原梅福

傳升平可致

洛陽宮殿化為烽休道秦關百二重滄海未全歸

禹貢薊門何處盡堯封朝廷衮職雖多預天下軍

儲不自供北人稍喜臨邊王相國肯銷金甲事春農北

憶安史陷京下指河北餘孽因傷轉輸

不繼而以王綽愧勵諸藩其言微矣

曹植詩洛陽何寂冥宮殿盡燒焚漢紀秦得

百二焉注秦地險固二萬人足當諸侯百萬

史記周封堯後干藹故曰堯封後漢法真傳

臣願聖朝就加衮職注三公也西都賦儲不

故使焦竑曰唐府兵之制寓農於兵軍糧皆

自給今府兵法壞而兵餉多取之俸儲故云

儲不自供舊書廣德二年王緒拜同平章事

其年八月代李光弼都統河南淮南東道

諸節度行營事兼領東京留守歲餘遷河南

副元帥請減軍資錢四十萬貫修東都殿宇

迴首扶桑銅柱標冥冥氛祲未全銷越裳翡翠無

消息南海明珠久寂寥殊錫曾為大司馬總戎皆

播侍中貂炎風朔雪天王地只在忠良翊聖朝南

卷十三

方不靖貢獻久稀由諸將虜異寵擁高官而不盡撫綏之道耳故於忠良有厚望焉

扶桑在碧海新唐書明皇今特進何履光以兵定南詔復立馬援銅柱唐書志驪州日南郡有越裳縣周書成王時蒼梧獻翡翠唐志嶺南道有南海縣嶺表錄異廉州有大池

謂之珠池每年刺史修貢傳亮進宋元帝詔敬授殊錫光啟彌字周禮大司馬制軍諸禁

唐書門下省侍中二人正二品掌出納帝命相禮儀與左右常侍中書令並金輝珥貂管

子南至委火炎風之野張

正見賦朔雪映夜舟

錦江春色逐人來巫峽清秋萬壑哀正憶往時嚴

僕射其迎中使望鄉臺主恩前後三持節軍令分

明數舉孟西蜀地形天下險安危須仗出羣材思

武傷武後之鎮蜀者皆非其人也五章議論時事感慨淋漓而辭氣仍出以丁寧反覆所云言者

無罪問者足戒

選注天子私使臣中使成都詩望鄉臺與昇仙橋相去一里管華陽縣

夜

露下天高秋氣清空山獨夜旅魂驚疎燈自照孤

帆宿新月猶懸雙杵鳴南菊再逢人卧病北書不

至雁無情步簷倚杖看牛斗銀漢遙應接鳳城

楊慎曰字林直春日搗衣兩女子對立執一杵如春米然今易作杵杵對坐搗之取其便也嘗見六朝人畫搗衣圖其制如此謝惠連詩搗長杵聲哀大招曲屋步欄即古杵字

暮歸

便欲歷落不衫履

霜黃碧梧白鶴棲城上擊柝復烏啼客子入門月

皎皎誰家搗練風淒淒南渡桂水闕舟楫北歸秦
川多鼓鼙年過半百不稱意明日看雲還杖藜

寘字記桂州臨桂縣漢水一名桂水本集注廣東韶州有桂水其地北抵湖廣衡州之桂陽水經注秦水出大隴山歷秦川川有秦亭秦仲所封也

返照

在巫山傍

楚王宮北正黃昏白帝城西過雨痕返照入江翻

石壁歸雲擁樹失山村衰年肺病惟高枕絕塞愁

時早閉門不可久留豺虎亂南方實有未招魂

漢書據國爭權還爲豺虎張載詩盜賊如豺虎

九日

重陽獨酌盃中酒抱病起登江上臺竹葉於人既

無分菊花從此不須開殊方日落公猿哭舊國霜

前白雁來弟妹蕭條各何在干戈衰謝兩相催

魏文論九爲陽數日月並應名曰重陽七辯玄酒白醴葡萄竹葉

又呈吳郎前有簡吳郎司法一首

堂前撲棗任西鄰無食無兒一婦人不爲困窮寧

有此祗緣恐懼轉須親卽防遠客雖多事便插疎

籬卻任真已訴徵求貧到骨正思戎馬淚盈巾

一體意類不涉庸腐未并見誅求之語亂離之慘所謂其言藹如者耶詩八月剝棗毛注劉擊也陸德明音普卜切正是撲也晉鄭冲傳任真自守

吹笛

吹笛秋山風月清分誰家巧作斷腸聲分風飄律呂相

和切月傍關山幾處明借胡騎中宵堪北走笛武陵一

曲想南征故園楊柳實事今搖落何得愁中卻盡生笛中

讓長笛吐清氣詩胡騎爭北歸偏知別鄉苦武

陵一曲即武溪深馬援南征所作也援門生爰寄

生善吹笛作歌以和之長笛賦律呂既和樂府橫吹曲有關山月

晉劉琨傳劉疇避亂塢壁賈胡百數欲害之疇

思於是羣胡垂泣而去世說劉琨為并州刺史

胡騎圍之數重琨夕乘月登樓清肅賊聞之悽

冬至

年年至日長為客忽窮愁泥殺人江上形容吾

獨老天涯風俗自相親杖藜雪後臨丹壑鳴玉朝

來散紫宸心折此時無一寸路迷何處是三秦

小寒食舟中作寒食次日為小寒

佳辰強飯食猶寒隱几蕭條帶鵝冠春水船如天

上坐老年花似霧中看娟娟戲蝶過閒幔片片輕

鷗下急湍雲白山青萬餘里愁看直北是長安

張志和字子同婺州人始名龜齡蕭宗命待

詔翰林賜名志和後坐貶居江湖自

解煙波釣徒著元
真子亦以自號

漁父

八月九月蘆花飛。南谿老人垂釣歸。秋山入簾翠
滴滴。野艇倚檻雲依依。却把漁竿尋小逕。閑梳鶴
髮對斜暉。翻嫌四皓曾多事。出為儲皇定是非。

陶 峴 峴淵明之後開元未移居崑山
紀事云峴泛遊江湖自製一舟與孟

彥深孟雲卿焦遂其載
吳越之士號為水仙

西塞山下廻舟作

匡廬舊業是誰主。吳越新居安此生。白髮數莖歸
未得。青山一望計還成。鴉翻楓葉夕陽動。鷺立蘆

花秋水明。從此念舟何所詣。酒旗歌扇正相迎。

匡廬蕭山 韓 非子沽酒者懸幟甚
高注即酒旗 庾信春賦月入歌扇

元結

橘井

廣輿記 橘井在柳
州城東 蘇耽故宅

靈橘無根井有泉。世間如夢又千年。鄉園不見重
歸鷗。姓字今為第幾仙。風冷露壇人悄悄。地閒荒
徑艸芊芊。如何躡得蘇君跡。白日霓旌擁上天。

神仙傳蘇仙公白母曰明年天下疫疾房中井
水簷邊橘樹可以代養井水一升橘葉一枚可
療一人

唐詩別裁集引典備註卷十四

長洲沈德潛歸愚選

後學俞汝昌增注

○劉長卿七律至隨州工絕亦秀絕矣然前此抑又甚焉風會使然豈作者莫能自主耶

長沙過賈誼宅

二統志賈誼在長沙府城中濯錦坊

三年謫宦此棲遲萬古惟留楚客悲秋艸獨尋人去後寒林空見日斜時漢文有道恩猶薄湘水無情弔豈知寂寂江山搖落處憐君何事到天涯詠遷謫本因被讒今云何事而來含情不盡

卷十四

史記文帝議以賈生任公卿之位絳灌之屬短賈生帝以為長沙王太傅謹傳誼度湖水為賦以弔屈原

登餘干古城

餘干縣在江西饒州府餘干志餘干古城即今元明觀前白雲城是也

孤城上與白雲齊萬古蕭條楚水西官舍已空秋
州沒女牆猶在夜鳥啼平沙渺渺迷人遠落日亭
亭向客低飛鳥不知陵谷變朝來暮去弋陽溪

餘干志弋陽溪在縣西

獻淮寧軍節度李相公

言輕財

建牙吹角不聞喧三十登壇眾所尊家散萬金訓

生死身留一劍奮君恩漁陽老將多回席魯國言

生半在門白馬翩翩春艸綠邵陵西去獵平原

潘岳詩高牙乃建平原君傳家之所有盡散以饗士得敢死之士千人孟嘗君傳馮先生甚貧猶有一劍耳叔孫通傳徵魯諸生漢地理志汝南郡縣邵陵

贈別嚴士元

春風倚棹闖闖城水國春寒陰復晴細雨溼衣看
不見閒花落地聽無聲日斜江上孤帆影艸綠湖
南萬里情東道若逢相識問青袍今已誤儒生

只分寫陰晴之景注釋家謂此謔言之漸漬朝廷之棄賢初無此意

吳郡圖經闔閭築大城四十里全唐詩話長卿
貶播州南巴尉道經闔閭城因別嚴士元唐

車服志深青袍為八品之服淺青袍為九品之服

自夏口至鸚鵡洲望岳陽寄阮中丞

一統志夏口在武昌府荆江之中鸚鵡洲在武昌岳陽

汀洲無浪復無煙楚客相思亦渺然漢口夕陽斜度鳥洞庭秋水遠連天孤城背嶺寒吹角獨樹臨

江夜泊船賈誼上書憂漢室長沙謫去古今憐直

漢露右丞則云長沙不久留才子賈誼何須弔屈平

一統志漢口在漢陽府大別山北庭湖在岳州何遜詩天邊看獨樹

觀校獵上淮西相公

卽黃石公

龍驤校獵邵陵東野火初燒楚澤空師事黃公千

戰後身騎白馬萬人中笳隨晚吹迎邊帥箭沒寒

雲落塞鴻三十擁旄誰不羨周郎少小立奇功

後漢何進傳總皇威塞兵要龍驤虎步高下在心邵陵見上子虛賦楚有平原廣澤游獵之地淮南子將軍不敢騎白馬周瑜傳孫權親自迎瑜授建威中郎將與兵二千人騎五年二十四瑜時

送柳使君赴袁州

袁州與三苗地接

宜陽出守新恩至京口因家始願違五柳閉門高

士去三苗按節遠人歸月明江路聞猿斷花暗山

成見吏稀惟有郡齋窻裏岫朝朝空對謝公暉

一統志宜春縣附袁州晉避鄭太后諱改為宜陽京口今鎮江陶淵明作五柳先生傳以自

况謝朓宣城郡齋詩窻中列
遠岫南齊書謝朓字玄暉

使次安陸寄友人

漢地理志江夏郡縣安陸

新年艸色遠萋萋久客將歸問路蹊
暮雨不知湏口處春風只到穆陵西
孤城盡日空花落三戶無人自鳥啼
君在江南相憶石門前五柳幾枝低

音湏

一統志湏水在德安府城西北源出陪尾山石
崑山下繞城西隔東流人漢江史記注三戶地
名在梁洪西南今相州登陽縣界有三戶津

送耿拾遺歸上邳

若為天畔獨歸秦對水看山欲暮春
窮海別離無限路隔河征戰幾歸人
長安萬里傳雙淚建德千峯寄一身
想到郵亭愁駐馬不堪西望見風塵

送陸澧倉曹西上

唐百官志倉曹司倉參軍事掌租調公廩庖厨倉庫市肆

長安此去欲何依先達誰當薦陸機
日下鳳翔雙

關迥雪中人去二陸稀舟從故里難移棹
家在寒

塘獨掩扉臨水自傷流落久贈君空有淚沾衣

晉書陸機字士衡吳郡人有異才與弟雲俱入
洛太常張華曰伐吳之役利獲二俊 篤成詩

吾兄既鳳翔 史記高帝八年蕭丞相營
作未央宮立東闕北闕 左殺有二陵焉

江州重別薛六柳八二員外

生涯豈料承優詔 世事空知學醉歌
江上月明胡雁過 淮南木落楚山多
寄身且喜滄洲近 顧景無如白髮何
今日龍鍾人共棄 愧君猶遣慎風波

題靈祐和尚故居

歎逝翻悲有此身 禪房寂寞見流塵
六時行徑空秋艸 幾日浮生哭政人
風竹自吟遙入磬 雨花隨淚共沾巾
殘經窗下依然在 憶得山中間講論
人可傷矣 幾日浮生尤為可傷

故

錢起

和李員外扈駕幸溫泉宮

未央月曉度疎鐘 鳳釐時巡出九重
雪霽山門迎瑞日 雲開水殿候飛龍
輕寒不入宮中樹 佳氣常浮仗外峯
遙羨枚臯扈仙�躡 偏承霄漢渥恩濃

漢書枚乘孽子臯字少孺上召拜為郎為賦頌
好嫚戲比東方朔從行至甘泉弋獵上有所感
輒使賦之 受詔輒成

贈闕下裴舍人

二月黃鸝飛上林 春城紫禁曉陰陰
長樂鐘聲花外盡 龍池柳色雨中深
陽和不散窮塗恨 霄漢常

懸捧日心獻賦十年猶未遇羞將白髮對華簪近格

李東

三輔黃圖長樂宮本秦之興樂宮也高皇帝始居櫟陽七年長樂宮成徙居長安城龍池見前卷沈佺期詩史記始皇登之罍刻石曰時在中春陽和方起魏書程昱少時常夢兩手捧日篇香雲氣也魏書私異之以語荀彧或以白太祖太祖曰卿當終為吾腹心

漢武出獵

漢家無事樂時雍羽獵年年出九重玉帛不朝金闕路旌旗長繞綵霞峯且貪原獸輕黃屋寧畏漁人犯白龍薄暮方歸長樂觀垂楊幾處綠煙濃

石崇詩武則不猛化則時雍在在帝夷羿昌于原獸黃屋天子車漁人犯白龍見卷李詩白

和王員外晴雪早朝

紫微晴雪帶恩光繞仗偏隨鴛鴦行長信月留寧避曉宜春花滿不飛香獨看積素凝清禁已覺輕寒讓太陽題柱盛名兼絕唱風流誰繼漢田郎可追

隨嘉州作惜一結泛然不如岑詩關合紫微宮名北齊樂曲懷黃縮白鴛鴦成行長信宮名宜春苑名題柱見前卷李願詩

山中酬楊補闕見訪

日煖風恬種藥時紅泉翠壁薜蘿垂幽溪鹿過苔

遺靜深樹律句聲色可摘雲來鳥不知青瑣同心多逸興春山載酒遠相隨却慙身外牽纓冕未信尊前倒接羅

○韋應物

自鞏洛舟行入黃河卽事寄府縣僚友

漢地理志河南郡鞏縣東周所居洛水經鞏縣入於河

夾水蒼山路向東東南山豁大河通寒樹依微遠天外夕陽明滅亂流中孤村幾歲臨伊畔一鴈初晴下朔風爲報洛橋遊宦侶扁舟不繫與心同句書水夕陽句書亦難到鷺鷥飛破夕陽煙水面迴風聚落花艾荷翻雨潑鴛鴦同是名句然皆作意求工少天然之致矣山水雲霞皆成圖續指點顧盼自然得之才是古人佳處

一統志蒼山在衛州府西北四十里卽縣志洛水橋隋煬帝建老子汎若不繫之舟

寄李儋元錫

去年花裏逢君別今日花開又一年世事茫茫難自料春愁黯黯獨成眠身多疾病思田里邑有流亡愧俸錢聞道欲來相問說西樓望月幾時圓五不負心語

○皇甫冉

同溫丹徒登萬歲樓晉王恭建

唐地理志潤州丹陽郡有丹徒縣一統志萬歲樓在鎮江府城上西南隰

高樓獨上思依依極浦遙山合翠微江客不堪頻

北望塞鴻何事又南飛。丹陽古渡寒煙積。瓜步空

洲遠樹稀。聞道王師猶轉戰。誰能談笑解重圍。

丹陽屬鎮江府。水經注瓜步江揚州六合縣界。揚州志瓜洲揚州古渡其狀如瓜故謂之瓜

步樂毅傳田單轉戰逐燕左

三月三日義興李明府後亭泛舟

江南煙景復如何。聞道新亭更可過。處處執蘭春

浦綠萋萋。藉艸遠山多。壺觴須就陶彭澤。風俗猶

傳晉永和。更使輕橈徐轉去。微風落日水增波。

鄒鄭風秉蘭也二字見鄒箋于上已為典切他本作菰蘭非

金陵覽古新亭在江寧縣陶淵明歸去來辭引壺觴以自酌王義之蘭亭記永和九年歲

在癸丑暮春之初會于會稽山陰之蘭亭修禊事也

春思

鶯啼燕語報新年。馬邑龍堆路幾千。家住層城鄰

漢苑。心隨明月到胡天。機中錦字論長恨。樓上花

枝笑獨眠。為問元戎竇車騎。何時反旆勒燕然。

少婦之亞惟笑獨眠句工而

述織或難與沈詩爭席耳

以築城因名馬邑于武川塞有馬馳走其地依漢西域傳樓蘭國最在東

垂近漢當白龍堆乏水草嘗主發導負水僭糧

送迎漢使晉竇滔妻為織錦迴文詩寄滔漢

破匈奴勒銘燕然山

送李錄事赴饒州

一統志附廢郡
陽郡改置饒州

北人南去雪紛紛雁叫汀洲不可聞積水長天隨

遠客荒城極浦足寒雲山從建業千峯出江至潯

陽九派分借問督郵府佐印指錄事纔弱冠府中年少不如君

建業即金陵潯陽屬九江通典督郵漢有之
掌監屬縣有東西南北中部謂之五部督郵故

督郵功曹之極位漢記未
穆之年二十為郡督郵

皇甫曾

早朝日寄所知

長安雪後見歸鴻紫禁朝天拜舞同曙色漸分雙

闕下漏聲遙在百花中爐烟乍起開仙仗玉珮成

行引上公共荷發生同雨露應黃葉久從風不讓賈

王諸公

禮自土以上皆有玉佩晉職官志太
傅太保皆為上公爾雅春為發生

秋夕寄懷契上人

已見權花朝委露獨悲孤鶴在人羣真仙出世心

無事靜夜名香手自焚窻臨絕澗聞流水客至孤

峯掃白雲更想清晨誦經處獨看松上雪紛紛結為

後人開便
易一路

李嘉祐

暮春宜陽郡齋愁坐忽枉劉七侍御詩因

卷十四

九

以酬荅

子規夜夜啼。橘葉遠道逢春半。是愁芳艸伴人還。

易老落花隨水亦東流。山當暉晚常多雨。地接瀟

湘畏及秋。惟羨君為周柱史。手持黃紙到滄洲。南史

宋明帝詔用黃紙札

本草拾遺。緒生江南皮樹如栗。漢書御史居殿柱之下。因以為名。

自蘇臺至望亭。驛人家盡空。春物增思悵。

然有作。因寄從弟紆。

圖經續記。望亭在吳縣西境。吳先主所立。謂之御亭。隋置驛。

南浦菰蒲覆白蘋。東吳黎庶逐黃巾。野棠自發空

流水。江燕初歸不見人。遠樹依依如送客。平田漠

漠獨傷春。那堪回首長洲苑。烽火年年報虜塵。宋

嘉時春燕歸來巢於林木。因亂後也。四語用其意。

吳志。黃龍元年。孫權即皇帝位。是為東吳。後漢書。張角聚人三十六萬。皆着黃巾。謂之黃巾賊。

苑在太湖北岸。

郎士元

贈錢起秋夜宿靈臺寺見寄

石林精舍武溪東。夜扣禪扉謁遠公。月在上方諸

品靜。心持半偈萬緣空。蒼苔古道行應徧。落木寒

泉聽不窮。更憶雙峯最高頂。此心期與故人同。前

語皆指仲文不更願同遊最

輒鳴唐詩解武當

廬山記惠遠送客過虎溪虎

為武報恩經

作虎唐人避太祖諱故改虎

郝天庭云僧領曰

羅門大師為轉輪王說半傷

心如枯木舊書

傷傳燈錄二祖皆息萬緣

道信道信傳忍

達摩傳慧可慧可傳粲粲傳

其法為東山洪門

並住蘇州雙峯山東山寺故

其法為東山洪門

韓翃

同題仙遊觀

香

仙臺初見五城樓風物淒淒宿

雨收山色遙連秦

樹晚砧聲近報漢宮秋疎松影

落空壇靜細艸春

香小洞幽何用別尋方外去人

間亦自有丹井

史記方士有言黃帝時為
蓬萊山二樓以候神人

送劉評事赴廣州使幕

征南官屬似君稀才子當今劉孝威郝隆志府參軍趨

傳舍交州刺史拜行衣前臨漲海無人過却望衡

陽少鴈飛為報蒼梧雲影道明年早送客帆歸

南史劉孝緒兄弟及羣從子姪七十餘人並能
屬文孝緒嘗稱三筆六詩三謂孝儀六謂孝威

也郝隆語見卷十一吳志士燮傳黃武五
年權以交趾縣遠乃分合浦以北為廣州呂岱

為刺史交趾以南為
交州戴良為刺史

送冷朝陽還上元

青絲纜引木蘭船名遂身歸拜慶年落日澄江鳥

卷十四

十一

唐地理志昇州
江寧郡上元縣

榜外勝人虛在不制秋風疎柳白門前橋通小市家林近山帶平

燕野寺連別後剛逢寒食節其誰攜手上東田

述異記木蘭川在潯陽江中多木蘭樹魯班刻為舟圖經初立西州城未有羅門樹烏榜而已故其地又名烏榜村一統志白門在應天府治西一十四里

送王光輔歸青州兼寄儲侍御

幾回奏事建章宮聖主偏知漢將功身著紫衣趨闕下口銜丹詔出關東蟬聲驛路秋山裏艸色河橋落照中遠憶故人滄海別當年好躍五花驄

建章宮名

秦

字公緒會稽人不求仕進隱南安之山張建封以不可招致請就加校書郎貞元中卒劉長卿自謂五言長城系欲以偏師攻之然詩格近幽澁未之許也

題茅山李尊師山居

尊師百歲少如童不到山中竟不逢洗藥每臨新瀑水步虛時上最高峯籬間五月留殘雪石上千年破性松此去人寰今遠近回看雲壑一重重

虛綸

長安春望

東風吹雨過青山却望千門艸色閒家在夢中何日刊春來江上幾人還川原繚繞浮雲外宮闕參

卷十四

十三

差落照間誰念為道亂意上皆盛合至未殊尚儒逢世難獨將衰髮客秦關猶

詩約風致天成詩貴一語百情少陵摩詰是也

至德中途中書事卻寄李儋

亂離無處不傷情况復看碑對古城路遠寒山人

獨去月臨秋水雁空驚顏衰重喜歸鄉國身賤多

慙問姓名今日主人還共醉應憐世故一儒生

夜投豐德寺謁液上人

半夜中峯有磬聲偶逢樵者問山名上方月曉聞

僧語下界林疎見客行野鶴巢邊松最老毒龍潛

處水偏清願得遠公知姓字焚香洗鉢過浮生

維摩諸經時化菩薩即於會前昇於上方楞嚴經下界功滿方超上界廣信詩野鶴自能織江鷗解獨漁毒龍見卷九王維詩

晚次鄂州

一統志湖廣武昌府楚熊渠封其子紂為鄂王吳置武昌郡隋置鄂州唐因之

雲開遠見漢陽城猶是孤帆一日程估客書眠知

浪靜舟人夜語覺潮生三湘愁鬢逢秋色萬里歸

心對月明舊業已隨征戰盡更堪江上鼓鼙聲三

四語如身在江舟間矣詩不貴景象耶

唐地理志鄂州江夏郡漢陽縣

酬暢當尋嵩岳麻道士見寄

聞逐樵夫閑看棋。忽逢人世是秦時。開雲種玉嫌
山淺。渡海傳書恠鶴遲。陰洞石幢微有字。古壇松
樹半無枝。煩君遠寄青囊錄。願得相從一問師。

方輿勝覽晉樵者王質人山見二童子對奕質
持斧而觀童指曰汝斧柯爛矣歸見鄉問人已
及百歲先世避秦時亂來此絕境搜神記
羊公篤孝葬父母無終山山高無水作義漿于
坂頭有人就飲飲訖出石子一升與之云此可
以種玉且得歸羊公求徐氏女徐戲曰得白璧
一雙來當為婚公至所種石中得五雙以聘遂
娶焉其地名曰玉田錦帶書仙家以鶴傳書
白雲傳信晉郭璞傳有郭公者精于卜
筮璞從之受業公以青囊中書九卷與之

賣叔向

夏衣宿表兄話舊

夜合開花香滿庭。夜深微雨醉初醒。遠書珍重何
曾達。舊事淒涼不可聽。去日兒童皆長大。昔年親
友半凋零。明朝又是孤舟別。愁見河橋酒幔青。

本草合歡一名
合昏一名夜合

實

常字中行叔向長子大歷
中進士官至國子祭酒

之任武陵寒食日途次松滋渡先寄劉員

外禹錫

晉地理志荆州
向陽有松滋縣

杏花榆莢曉風前。雲際離離上峽船。江轉數程淹
驛騎。楚曾三戶少人煙。看春又過清明節。算老重

卷十四

經於己年。幸得桂山當郡舍。在朝長咏卜居篇。

四民月令二月榆莢成及青收莢為甘藷色繼
白將落可作醬醢 三戶地名清明節名山
海經南海之內有桂山 王逸
楚辭序卜居者屈原之所作也

朱 澗

尋隱者韋九於東溪草堂

尋得仙源訪隱淪。漸來深處漸無塵。初行竹裏唯
通馬。直到花間始見人。四面雲山誰作主。數家煙
火自為鄰。路傍樵客何須問。朝市如今不是秦。

雲笈七籤福地第四曰東仙源第五曰西仙源
史記律書雞鳴犬吠煙火萬里 隋盧思道
傳籠紉朝市
且三十載

戴叔倫

宮詞

紫禁迢迢宮漏鳴。夜深無語獨含情。春風鸞鏡愁
中影。明月羊車夢裏聲。塵暗玉階綦跡斷。香飄金
屋篆煙清。貞心一任蛾眉妬。買賦何須問馬卿。宮詞

不多作怨聲
能存貞正

晉書武帝常乘羊車恣其所適宮人
取竹葉插戶以鹽汁洒地引帝車

司空曙

長安曉望寄程補闕

迢遞山河擁帝京。參差宮殿接雲平。風吹曉漏經

卷十四

長樂柳帶晴煙出禁城。天淨笙歌臨路發。日高車馬隔塵行。獨有淺才甘未達。多慙名在魯諸生。形

謝李端校書見贈

綠槐垂穗乳烏飛。忽憶山中獨未歸。青鏡流年看髮變。白雲芳艸與心違。乍逢酒客春遊慣。久別林僧夜坐稀。昨日聞君到城闕。莫將簪弁勝荷衣。四言已繫於一官不能遂白雲芳草之心未勉其望守初服勿繫情於簪弁也與前一首似兩種心事意既得官後知宦途之無味耶

潘岳詩綠槐夾門植。毛詩傳穗秀也。

酬張芬勅後見贈

紫鳳朝啣五色書。陽春忽報網羅除。已將心變寒灰後。豈料先生腐艸餘。建水風煙收客淚。杜陵花竹夢郊居。勞君故有詩人贈。欲報瓊瑤恨不如。

鄴中記後趙石虎詔書用五色紙着木屑口中銜出。莊子形固可使如朽木而心固可使如死灰乎。鮑照詩寒灰滅更燃。夕華晨更鮮。月令腐草為螢。埤雅螢夜飛。腹下有火。今西北多螢大者如棗行而有光。地理志隴州開陽郡建水縣。

李端

宿淮浦憶司空文明

愁心一倍長離憂。夜思千重戀舊遊。秦地故人成

遠夢楚天涼。雨在孤舟。諸溪近海潮。皆應獨樹邊。
白已
淮葉盡流。別恨轉深。何處寫前程。惟有一登樓。

閉園卽事贈考功王員外

南陌晴雲稍變霞。東風動柳水紋斜。園林帶雪潛

生草。桃李雖春未有花。幸接上賓登鄭驛。羞爲長

女似黃家。今朝一望還成暮。欲別芳菲戀歲華。

漢鄭當時傳孝景時爲太子舍人置驛馬長安諸郊請謝賓客夜以繼日常恐不徧尹文子齊有黃公者好謙卑有二女皆國色常謙辭毀之以爲醜惡醜惡之名遠布年過而一國無聘者衞有嫁夫特曰取之果國色然後曰黃公好謙故毀其子於是爭禮之亦國色也

張南史 字季真幽州人

陸勝宅秋雨中探釣

同人承日自相將。深竹閉園偶辟疆。已被秋風教

億鱸。更聞寒雨勸飛觴。歸心莫問三江水。旅服從

沾九日霜。醉裏欲尋騎馬路。蕭條是處有垂楊。

心乍動然聞雨中飛觴則仍且淹留矣下承上作轉語樂府相將騎百草世說王子敬自會稽經吳聞顧辟疆有名園先不識主人徑往其家廣輿記晉顧辟疆建辟疆園世傳爲吳中第一

劉方平

秋夜呈皇甫冉鄭豐

洛陽秋夜白雲歸。城裏長河列宿稀。秋後見飛千

詩新工而秀

里鴈月中聞搗萬家衣長辭西雍青門道久別東

吳黃鶴磯借問客書何所寄用心不啻兩鄉遠時

洛陽故云已辭西

雍又別東吳也郡縣志黃鶴山蛇行而西吸於江其首隆然黃鶴樓枕焉其下有黃鶴磯

◎耿 漳

上裴行軍中丞即晉公度

胡塵已滅天山外閉閣陰陰日復曛
檜上騁駟嘶鼓角門前老將識風雲
旌旗四面高秋見絲竹千家靜夜聞
莫道古來多計策功成唯有李將軍

◎李 益

送賈校書東歸寄振上人

北風吹鴈數聲悲况指前林是別時
秋草不堪頻送遠白雲何處更相期
山隨匹馬行看暮路入寒城去獨遲
爲向東州故人道江淹已擬惠休詩

南史沙門釋惠休善屬文孝武帝命還俗本姓湯位至揚州從事史文選江文通有擬休上人怨別詩

鹽州過胡兒飲馬泉

唐地理志鹽州五原郡本鹽州貞觀二年置又豐州西受降城北三百里有鳴鶻泉胡人飲馬於此

綠楊著水草如煙舊是胡兒飲馬泉幾處吹笳明

卷十四

月夜何人倚劍白雲天從來凍合關山路今日分
流漢使前莫遣行人照容髮恐驚憔悴入新年

宋玉大言賦長
劍耿耿倚天外

鮑溶

蔡平喜遇河陽馬判官寬話別

從事東軍正四年相逢且喜偃兵前看尋狡兔翻

三窟見射妖星落九天江上柳營迴鼓角河陽花

府望神仙秋風蕭颯醉中別白馬嘶霜雁叫煙

隱策狡兔有三窟僅得免其死耳
天文志妖星不出五年其下有軍

武元衡字伯蒼緱氏人大歷中進士憲宗時
拜同中書門下平章事後出為劍南

簡度使召還秉政淮西用兵
王承宗上表請
赦吳元濟元衡叱之承宗上
章詆誣未幾元
衡入朝為
盜所害

送張六諫議歸朝

通典諫議大夫秦置
掌議論為諫垣之長

詔書前日下丹霄頭戴儒冠脫皂貂笛怨柳營煙

漠漠雲愁江館雨蕭蕭鴛鴻得路爭先翥松柏交

寒獨後凋歸去朝端如有問玉門關外老班超

說文翥飛舉也七教翻爾鴻翥
疏臣不敢望到酒泉郡但願生入玉門關

酬嚴司空荆南見寄

金貂再入三公府玉帳連封萬戶侯簾卷青山巫

卷十四

十九

峽曉煙開碧樹清宮秋。劉琨坐嘯風清塞。謝朓題詩月滿樓。白雪調高歌不得。美人南望翠蛾愁。

漢官儀侍中金暉左貂。地朴子兵在太乙玉。張之中不可攻也。巫峽在蜀。郡縣志清宮。楚別宮也。劉琨被圍長嘯賦。聞之棄圍而走。齊書謝朓長五言詩。宣城有謝朓樓。通典博物志云。白雪是天帝使素女鼓五絃琴曲。各以其調高人和。遂寡自宋玉以來。迄今千載。未有能歌白雪者。梁元帝詩。坐久翠眉愁。

楊巨源

贈張將軍

關西諸將揖容光。獨立營門劍有霜。知愛魯連歸海上。肯令王翦在頻陽。天晴紅幟當山滿。日暮清

笳入塞長。年少功高人共羨。漢家壇樹月蒼蒼。

與王翦言當時急于用人必不令如王翦之在頻陽也。豈將軍有歸隱之志。故云爾耶。漢書關西出將關東出相。魯連見卷二李詩。荆問李信用幾何人而足信曰。不過二十萬人。問王翦翦曰。非六十萬人不可。始皇曰。將軍老矣。何怯耶。翦遂謝病歸。頻陽後信敗。始皇起于翦用六十萬人。遂滅荆。

和侯大夫秋原山觀征人回

兩河戰罷萬方清。原上軍聞識舊營。立馬望雲秋塞靜。射鵬臨水晚天晴。戍閑部伍分岐路。地遠家鄉寄旆旌。聖代止戈資廟樂。諸侯不復更長。

王褒奕厥寺碑。麟膠角觸之弓。箭羽射鵬之箭。左止戈為武。

卷十四

送澹公歸嵩山龍潭寺葬本師

野煙秋水蒼茫遠，禪境真機去住閒。雙樹為家思
舊壑，千花成塔禮寒山。洞宮曾向龍潭宿，雲徑應
從鳥外還。莫戀本師金骨地，空門無處復無關。

唐詩別裁集引典備註 十五卷

長洲沈德潛歸愚選

後學俞汝昌增注

韓愈

奉和庫部盧四兄曹長元日朝迴

盧名

唐百官志庫部郎中員外各一人掌式器鹵簿儀仗

天仗宵嚴建羽旌，春雲送色曉雞號。金爐香動螭
頭暗，玉珮聲來雉尾高。戎服上趨承北極，儒冠列
侍映東曹。太平時節身難遇，郎署何須歎二毛。

岑偁和中可以伯仲

唐百官志起居舍人秉筆隨宰相入殿若仗在紫宸內閣則夾香案分立殿下直第二螭首和

墨需幸皆即功處時號螭頭
扇也
漢書丙吉召東曹案邊長吏

晉公破賊回重拜台司以詩示幕中賓客

愈奉和

唐裴度傳擒吳元齊人胡封晉國公

南伐旋師太華東天書夜到冊元功將軍舊歷三

司貴相國新兼五等崇鵷鷺欲歸仙仗裏熊羆還

入禁營中長慙典午非材職得就閒官即至公

大華在陝西唐書開府儀同三司階從一品禮王者之制祿爵凡五等唐音樂志鵷鷺成行書如熊如羆間居賦注禁營五營也蜀志譙周傳典二忽兮月酉沒兮

左遷至藍關示姪孫湘湘字

唐地理志藍田縣有藍田關

一封朝奏九重天夕貶潮陽路八千欲為聖明除

弊事肯將衰朽惜殘年雲橫秦嶺家何在雪擁藍

關馬不前知汝遠來應有意好收吾骨瘴江邊

舊書憲宗紀元和十四年春正月丁亥迎鳳翔法門寺佛骨至京師雷禁中三日乃送諸寺刑部侍郎韓愈上疏極陳其弊奏已貶愈為潮州刺史

酒中語上襄陽李相公即李逢吉憲宗罷逢吉政事出為劍

南節度使穆宗立移襄州刺史山南東道節度使

濁水汗泥清路塵還會同制掌絲綸眼穿長訝雙

魚斷耳熱何辭數萬頻銀燭未消窗送曙金釵半

醉座添春。知公不久歸。鈞輔應許開宮。寄病身之公

嶽嶽而絕作此明麗之句如廣

平之賦梅花不礙心似鐵也

曹植詩君若清路塵妾若濁水泥本集注元

和十一年正月公為中書舍人逢吉以其年四

月自舍人拜相雙魚

雙鯉魚中有尺素書

◎柳宗元

登柳州城樓寄漳汀封連四州刺史韓泰

韓暹汀州陳謙封

州劉禹錫連州

城上高樓接大荒。海天愁思正茫茫。驚風亂颭芙蓉

水。密雨斜侵薜荔牆。嶺樹重遮千里目。江流曲

似九迴腸。其來百粵文身地。猶自音書滯一鄉。靈均

道則哀怨動人驚風密雨言在此而意

不在北嶺南江行詩中射工風州亦然

說文颭風吹浪動也音戰梁簡文詩日暮芙蓉水楚詞注薜荔香草緣木而生史遷書

別舍弟宗一

零落殘魂倍黯然。雙垂別淚越江邊。一身去國六

千里。萬死投荒十二年。桂嶺瘴來雲似墨。洞庭春

盡水如天。欲知此後相思夢。長在荆門郢樹煙。

杜嶺在長沙桂陽縣洞庭在岳州西南

一統志荆門貞元中置縣隸鄂州

嶺南江行

瘴江南去入雲煙。望盡黃茆是海邊。山腹雨晴添

卷十五

三

象跡潭心日暖長蛟涎射工巧伺遊人影颺母偏
驚旅客船從此憂來非一事豈容華髮待流年中

聯俱寫風土之異不分淺淡

秋瘁謂黃萌瘴 郝注嶺外代蒼象州部治西樓正而西山雨晴山腹忽起白雲狀如白象經時不滅 又蛟於江中吐涎入浮為涎所刺不得出遂受害 博物志江西南有射工蠱長二三寸有弩形氣射人不治則殺 卽短蛟也 嶺表志南海秋夏間有暈如虹者 謂之颺母影必風有颺

得盧衡州書因以詩寄

臨蒸且莫歎炎方為報秋來鴈幾行林邑東迴山似戟牂柯南下水如湯兼葭浙漜含秋霧橘柚玲

攏透夕陽非是白蘋州畔客還將遠意問瀟湘

郝注衡州有臨蒸縣林邑漢象林郡 史記牂柯江出番禺城下 南史柳惲為吳興太守為江南曲云汀洲采白蘋日落江南春

柳州峒岷

郡城南下接通津異服殊音不可親青筠裏鹽歸峒客綠荷包飯趁墟人鷺毛禦臘縫山蜀雞骨占年拜水神愁向公庭問重譯欲投章甫作文身

南部新書端州以南三日一市謂之趁墟 郝注色管溪何不產絲纈民多以木編茹花鷺毛為被土人家養鷺三月至十月擊取軟毛積以禦寒 漢郊祀志漢武元封二年令越巫祀土帝百神而用雞卜注卜歲之豐凶 書傳周成王時越裳氏重譯來朝 莊子宋人資章南

沙市

夷應

而適越越人斷髮
文身無所用之也
○劉禹錫大歷後詩夢得高於文房與白傅唱
情勝各自成
家不相肖也

松滋渡望峽中

一統志松滋縣唐屬江陵府峽中在
歸州東唐注松滋縣有松滋渡

渡頭輕雨灑寒梅雲際溶溶雪水來夢渚草長迷
楚望夸陵土黑有秦灰巴人淚庶猿聲落蜀客船
從鳥道迴十二碧峰何處所永安宮外是荒臺左

江漢唯滄楚之望也

郝注江源在蜀雪山之下出焉夢渚澤名
唐地理志岐州夷陵郡又有夷陵縣白起傳

白起攻楚拔郢燒夷陵一統志十二峯在夔
州巫山縣又永安宮在夔州彭龍山下又
陽臺在巫山縣治西北

遂源中丞充新羅冊立使

通典新羅國在百
濟東南五百餘里

相門才子稱華簪持節東行捧德音身帶霜威辭
鳳闕口傳天語到雞林煙開鼈背千尋碧日浴鯨
波萬頃金想見扶桑受恩處一時西拜盡傾心

史記將門必有將相門必有相前漢書發德
音下明詔通典御史為風霜之任唐新羅
國傳龍朔元年以其地為雞林
州大都督府扶桑在碧海中

西塞山懷古

卷十五

五

千

金陵秣陵建業
江寧石頭

蘇注山在

歷下如詩金陵西地見天地方員王愔樓船下益州金陵王氣黯然收千尋鐵鎖沉

江底一片降旗出石頭人世幾回傷往事山形依舊

舊枕寒流從今四海為家日故壘蕭蕭蘆荻秋時

得與元微之韋楚客白樂天各賦金陵懷古夢得

詩成樂天覽之曰四人探驪龍子已獲珠餘皆鱗

爪矣送罷唱言書土濬為益州刺史武帝謀伐吳濬乃作大

樓櫓開四出門其上得馳馬往來舟楫之盛自古

未有鐵鎖橫絕江面王濬作大筏火炬遇鎖輒路

液船無所礙又濬入於石頭皓造於壘門濬躬解其縛送于京師

奉送浙西李僕射赴鎮

建節東行是舊遊歡聲喜氣滿吳州郡人重得黃

丞忘君也一童子爭迎郭細侯郭儼守細侯詔下初辭温室樹夢中先

到景陽樓自憐不識平津閣遙望旌旗汝水頭是應

重鎮浙西故云舊遊及黃丞相等語

漢書黃霸為潁川太守徵為京兆尹坐軍興

詔歸潁川守後為丞相後漢書郭伋為并州

牧到西河有童兒數百各騎竹馬道次迎拜伋

問兒曹何白遠來日聞使君到喜故來奉迎

漢書孔光休日燕語終不及朝省政事或問光

溫室省中樹皆何木光嘿然不應齊書武帝

宮內不聞端門鼓漏置鐘於景陽樓上以應

五鼓公孫弘封平津侯開東閣以待賢者

早春對雪奉寄澧州元郎中

卷十五

六

新賜魚書墨未乾。賢人暫屈遠人安。朝驅旌旆行

時合夜見星辰憶舊官。梅蘂覆階鈴閣曉。雪花當

戶戟枝寒。寧知楚客思公子。北望長吟漚有蘭。

漢楊惲傳。惲制刺史。被代若別遣。皆降魚書。乃得去。漢書。刺史四時行部。注。羊祜在襄陽。輕裘緩帶。身不被甲。鈴閣之下。常不過數人。侍衛。隋書。三品以上。門皆列戟。注。詞。沈有芷。兮。漚。有蘭。思公子。兮。未敢言。

漢壽城春望

古荆州刺史治亭下。有子胥廟。楚王故墳。

漢壽城邊野草春。荒祠古墓對荆榛。田中牧豎燒

芻狗。陌上行人看石麟。華表半空經霹靂。碑文纔

見滿埃塵。不知何日東瀛變。此地還成要路津。

莊子。天運篇。夫芻狗之陳也。盛之以筐。行中之以文繡。尸祝齋戒。以前之。及已陳也。行者踐其首脊。蘇者取而爨之矣。西京雜記。五柞宮西。梧桐樹下。有石麒麟二枚。各刊其文。是始皇墓上之物也。注。華表。墓前雙柱也。物原。周公始為華表。

荆州道懷古

南國山川舊帝畿。宋臺梁館尚依稀。馬嘶古道行人歇。麥秀空城野雉飛。風吹落葉填空井。火入荒陵化寶衣。徒使詞臣庾。開府咸陽終日苦思歸。

郝注。宋武帝為荆州都督。梁元帝龍興于此。元和志。荆州當陽縣有麥秀城。乘七發。麥秀漸兮。雉朝飛。郝注。王者葬以珠襦玉匣。故曰寶衣。庾信哀江南賦。霸陵夜獵。猶是舊時將

軍成陽布衣非
獨思歸王子

始聞秋風

昔看黃菊與君別。今聽玄蟬我卻回。五夜颼颼枕
前覺。一年形狀鏡中來。馬思邊草拳毛動。鵬盼青
雲倦眼開。天地肅清堪四望。為君扶病上高臺。君

感呂衡州時子方謫居

呂溫

一夜霜風凋玉芝。蒼生望絕士林悲。空懷濟世安
人略。不見男婚女嫁時。遺草一函歸太史。孤墳三
尺近要離。朔方徙歲行當滿。欲為君刊第一碑。先

晚

倦

峴山墮
淚碑

郝注晉成時延尉孔坦疾篤使冰省之流涕坦
慨然曰大丈夫臨終不問以濟世安人之術乃
為兒女子相對泣耶又魏書管恪弟辰謂恪
曰大將軍待君意厚冀當富貴乎恪歎曰我自
知有分耳然天與我才名不與我壽恐四十七
八間不見女嫁兒娶婦也道艸用司馬借如
事郝注梁鴻隱於吳依臯伯通病困苦主人
曰我死慎勿令持喪去及卒伯通葬于要離
塚傍成曰要離烈士伯鸞清高可相近也又
漢蔡邕以光和災異表忤宦者楊球曹節奏下
洛陽獄劾以害大臣不敬棄市中常侍呂強愍
邕無罪請之詔減死與家屬免錮徙朔方不得
以赦令除

再授連州至衡陽酬柳柳州贈別

去國十年同赴召。渡湘千里又分岐。重臨事異黃

卷十五

丞相三黜名慙柳士師至衡陽而北望也歸目併隨回馬盡愁腸正

遇斷猿時桂江東過連山下相望長吟有所思與

厚同召柳得柳州劉得播州子厚謂播州非人所居願以柳易播大臣為上言之乃改授連川

黃丞相見前論語柳下惠為士三黜邾注衡州有回雁峯桂江即離水在柳州城外連山

州也

赴蘇州醉別樂天

吳郡魚書下紫宸長安厩吏送朱輪二南風化承

遺愛入詠聲名躡後塵梁氏夫妻為寄客陸家兄

弟是州民江城春日追隨處其憶東歸舊主人聯

可云佳話

魚書見前紫宸殿名漢朱異臣傳長安厩吏乘駟馬車來迎買臣遂乘傳去晉樂志周始

二南風兼大代金華志沈約為東陽太守作入詩題于元暢樓後人更名入詠樓梁鴻孟

光扶風人適吳依臯伯通晉陸雲傳少與兄機齊名雖文章不及機而持論過之號曰二陸

酬樂天揚州初逢席上見贈

巴山楚水淒涼地二十二年棄置身懷舊空吟聞

箋賦到鄉翻似爛柯人沉舟側畔千帆過病樹前

頭萬木春今日聽君歌一曲暫憑杯酒長精神沉

二語見人事不齊造化亦無如之何得此旨終身無不平之心矣

晉向秀傳秀與嵇康以安居住接近嵇後時事見法經其舊廬嵇人有吹笛者發聲寥亮絕想

曩昔作思舊賦爛柯見前卷盧綸詩

刑部白侍郎謝病長告改賓客分司以詩

贈別

鼎食華軒到眼前。拂衣高坐豈徒然。九香路上辭
朝客。四皓叢中作少年。他日臥龍終得雨。今朝放
鶴且冲天。洛陽舊有衡茅在。亦擬抽身伴地仙。

陶詩草堂寄窮巷。計以辭華餌。列仙傳。馬明生。不樂升天。為地仙。

白居易

香鑪峰下新卜山居草堂初成偶題東壁
五架三間新草堂。石階桂柱竹編牆。南檐納日冬
天暖。北戶迎風夏月涼。灑砌飛泉常有韻。拂窗斜

竹不成行。來春更葺東廂屋。紙閣蘆簾著孟光。

贈楊秘書

巨源自注楊嘗有贈人詩云三刀夢益州一箭取遼城由

是得名

早聞一箭取遼城。相識雖新有故情。清句三朝誰
是敵。白鬚四海半為兄。貧家薙草時時入。瘦馬尋
花處處行。不用更教詩過好。折君官職是聲名。

聞楊十二新拜省郎遙以詩賀

文昌新入有光輝。紫界宮牆白粉闥。曉日雞人傳
漏箭。春風侍女護朝衣。雪飄歌曲高難和。鶴拂煙
霄老慣飛。官職聲名俱入手。近來詩客似君稀。

卷十五

十

折君官職是詩名句
故用末二句以解之

自河南經亂關內阻飢兄弟離散各在一
方因望月有感聊書所懷寄上浮梁大兄
於潛七兄烏江十五兄兼示符籙及下邳
弟妹

時難年荒世業空。弟兄羈旅各西東。田園寥落千
戈後。骨肉流離道路中。弔影分為千里雁。辭根散
作九秋蓬。共看明月應垂淚。一夜鄉心五處同。

和楊尚書罷相後暇遊永安水亭兼招本
曹楊侍郎同行

道行無喜退無憂。舒卷如雲得自由。良冶動時為
哲匠。巨川濟了作虛舟。竹亭陰合偏宜夏。水檻風
涼不待秋。遙愛翩翩雙紫鳳。入同官署出同遊。隨題

順寫第四語
尤工於立言

尋郭道士不遇
郡中乞假來相訪。洞裏朝元去不逢。看院祇留雙
白鶴。入門惟見一青松。藥爐有火丹應伏。雲碓無
人水自舂。欲問參同契中事。更期何日得從容。

原注：廬山中雲母多。故以水碓搗練。俗呼為雲
碓。神仙傳：魏伯陽作參同契二卷。其說似解
周易其實論
作丹之意

欲與元八卜鄰先有是贈

平生心迹最相親。欲隱牆東不爲身。明月好同三
徑夜。綠楊宜作兩家春。每因暫出猶思伴。豈得安
居不擇鄰。何獨終身數相見。子孫長作隔牆人。兩
意語語夾寫一
步淡是一步

餘杭形勝

餘杭形勝四方無。州傍青山縣枕湖。連郭荷花三
十里。拂城松樹一千株。夢兒亭古傳名謝。教伎樓
新道姓蘇。獨有使君年太老。風光不稱白髭鬚。靈
山上有夢謝亭。即杜明甫夢謝靈運
之所。因名。客兒亭。蘇小。小錢塘人也。

錢塘湖春行

唐地理志。杭州餘杭縣錢塘。本
傳。居易爲杭州刺史。築隄。捍錢塘湖。

孤山寺北賈亭西。水面初平雲腳低。幾處早鶯爭
暖樹。誰家新燕啄春泥。亂花漸欲迷人眼。淺草纔
能沒馬蹄。最愛湖東行不足。綠楊陰裏白沙隄。今
白隄。即白沙隄。白公時已有之。非白公
築也。虎邱。白公隄。公爲刺史時所築。
一統志。孤山在府城外西
湖上。自注。寺在湖洲中。

西湖晚歸回望孤山寺贈諸客

柳湖松島蓮花寺。晚動歸櫂出道場。盧橘子低山
霧重。棕櫚葉戰水風涼。煙波澹蕩搖空碧。樓閣參

亦不能到
差倚夕陽到岸請君回首望。蓬萊宮在海中央。白
刺抗時往來湖上謀飲賦詩蘇林知重其詩不知
諸務就理即建石函一事瀉而湖之水潤三邑之
田其功未有涯量也
烏得以詩人概之

西湖留別

征途行色慘風煙。祖帳離聲咽管絃。翠黛不須留
五馬。皇恩只許住三年。綠藤陰下鋪歌席。紅藕花
中泊妓船。處處回頭盡堪戀。就中難別是湖邊。

武邱寺路宴留別諸妓

銀泥裙映錦障泥。畫舸停撓馬簇蹄。清管曲終鸚
鵡語。紅旗影動駮輪嘶。首海樓名漸消醉色朱顏淺。欲語離

情翠黛低。莫忘使君吟詠處。女墳湖北武邱西。

送蕭處士遊黔南

能文好飲老蕭郎。身似浮雲鬢似霜。生計拋來詩
是業。家園忘卻酒為鄉。江從巴峽初成字。猿過巫
陽始斷腸。不醉黔中爭去得。磨圍山月正蒼蒼。

元和郡縣志。渝州古巴。國。閬。白
二水。曲折如巴字。故謂之巴。

送王十八歸山寄題仙遊寺

曾於太白峰前住。數到仙遊寺裏來。黑水澄時潭
底出。白雲破處洞門開。林間暖酒燒紅葉。石上題
詩掃綠苔。惆悵舊遊無復到。菊花時節羨君迴。

太白山名

八月十五日夜禁中獨直對月憶元九

銀臺金闕夕沈沈獨宿相思在翰林三五夜中新

月色二千里外故人心惜宮東面煙波冷盜殿西

頭鐘漏淡猶恐清光不同見江陵卑濕足秋陰

翰林志翰林院在銀臺門北渚宮楚別宮

酬贈李鍊師見招

幾年司諫直承明今日求真禮上清曾犯龍鱗容

不死欲騎鶴背覓長生劉綱有婦仙同得伯道無

兒累更輕若許移家相近住便驅雞犬上層城

鄧伯道老無兒

寄殷協律自注多敘江南舊遊

五歲優遊同過日一朝消散似浮雲琴詩酒伴皆

拋我雪月花時最憶君幾度聽雞歌白日亦曾騎

馬詠紅裙吳娘暮雨蕭蕭曲自別蘇州更不聞自注

予在杭州日有歌云聽唱黃雞與白日又云著紅

不騎馬是何人又注江南吳二娘曲云暮雨蕭蕭郎

九年十一月二十一日感事而作其日獨遊香山

禍福茫茫不可期大都早退似先知口首同所歸

歸日是我青山獨往時顧素素琴應不暇憶牽黃

大定難追麒麟作脯龍為醢何似泥中曳尾龜東坡
 志林云樂天為王涯所讒謫江州司馬甘露之禍
 樂天在洛適遊香山寺有白首同歸二句不知者
 以為幸之也樂天豈幸人之禍者哉蓋悲之也
 汪立名曰太和九年甘露事李訓鄭注舒元與王
 涯賈餗皆被害味詩中同歸句本故事而言不專
 指王涯也公自蘇州召還秩位漸崇見機引退官
 官之禍早計及者何至追滅五涯况公之遷謫本
 由宦官惡之附宦官者成之豈反以宦官誅夷士
 大夫為快幸禍之說出於章
 傳蓋以小人度君子腹耳
 文士傳曰已至康取調之為太平引曲成歎息
 曰太平引絕於今日耶奉黃太李期見卷
 李詩參同契麟鳳把籍長路左龍
 以食夏后

元稹

贈嚴童子

自注嚴司空孫十歲能賦詩有奇句詩題有成人風

衛瓘諸孫衛玠珍可憐雛鳳好青春解拈玉葉排

新句認得金環識舊身十歲佩鵲嬌禪子入行飛

札老成人楊公莫訝清無業家有蠅珠不復貧

晉衛瓘傳瓘字伯玉河東安邑人仕至太保玠別傳玠有虛合之秀清勝之氣在羣伍之中有異人之望祖太保見玠五歲曰此兒神爽聰令與衆大異恐吾年老不及見爾

以州宅夸於樂天

州城迴繞拂雲堆鏡水稽山滿眼來四面常時對
 屏障一家終日在樓臺星河似向簷前落鼓角驚
 從地底迴我是玉皇香案吏謫居猶得住蓬萊州宅

卷十五

十五

即越王臺在臥龍山上人民城郭俱在其下故有鼓角驚從地底迎句
鏡水鏡湖水橋山會稽山也唐志朝日殿上設香案起居即舍人分侍左右夾香案立殿下

重夸州宅且暮景色兼耐前篇末句

仙都難畫亦難書暫合登臨不合居繚郭煙嵐新

雨後滿山樓閣上燈初人靜曉動千門闕湖色香

洲萬象虛為問西州羅刹听濤頭衝突近何如

亦名羅刹江末二語嘲樂天也樂天有解嘲詩

寄樂天

榮辱升沉影與身世情誰是舊雷陳惟應鮑叔猶

憐我自保曾參不殺人山入白樓沙苑暮潮生滄

海野塘春老逢佳景惟惆悵兩地各傷何限神

之傷弓之言

後漢書雷義與陳重為友鄉里語曰膠漆雖謂堅不如雷與陳史記管仲少時常與鮑叔牙游鮑叔知其賢終善遇之國策甘茂曰曾參殺人其母織自若也頃之一人又告之曰曾參殺人其母尚織自若也頃之一人又告之曰曾參殺人其母始投杼下機踰牆而走水經注魏神瑞二年建白樓元和郡國志沙苑在同州馮翊縣南二里

遣悲懷三首存一

謝公最小偏憐女自嫁黔婁百事乖顧我無衣搜
盡篋篋泥他沽酒拔金釵野蔬充膳甘長藿落葉

卷十五

十六

添新仰古槐見唐代漆今日捧錢過十萬母與君營莫復營齋

高士壽黔婁齊人也
倚身清節以壽終

和樂天早春見寄

歌

雨香雲澹覺微和誰送春聲入權歌萱近北堂穿
土早柳偏東面受風多湖添水色消殘雪江送潮

頭涌漫波同愛新年不同賞無由縮地欲如何

吳均詩何用贈分首自有北堂萱梁簡文賦
看東風之入柳神仙傳費長房能縮地脈

李德裕

嶺南道中

嶺水爭分路轉迷桃柳椰葉暗蠻溪愁衝毒霧逢

蛇草畏落沙蟲避燕泥五月畚田收火米三更津

吏報潮雞不堪腸斷思鄉處紅槿花中越鳥啼時為

白敏中輩排擠貶潮州司馬又貶崖州司馬
故三四語雙閉猶猶柳州詩之射工颺母也

蜀都賦布有撞花麵有枕柳吳都賦椰葉無
陰注椰樹無枝條高十餘丈葉在其末如束蒲

漢賈捐之罷珠厓對駱越之人獨居一海之
中霧露氣濕多毒草蟲蛇水土之害郝注土

人以五月收米為火米嶺南異物志嶺南紅槿自正月
雞湖長則鳴嶺南異物志嶺南紅槿自正月

至十二月常開
秋冬差小耳

張籍

寄蘇州白二十三使君

三朝出入紫微臣頭白金章未老身登第早年同

卷十五

座主蒞官今日是州民閭門柳色煙中遠茂苑鶯聲雨後新行不滿五此處吟詩向山寺知君忘卻曲江春

唐選舉志通四經業成上於尚書吏部試之登第者加一階國史補進士俱捷謂之同年有司謂之座主一統志吳城西郭門曰閭門夫差所作吳都武佩長洲之茂苑

送李僕射赴鎮鳳翔

晝夜偷吳元

由來勲業屬英雄兄弟連營列位同先入賊城擒首惡海一義力於其盡封官庫讓元功旌幢獨繼家聲外竹帛新添國史中天子欲收秦隴地故教移鎮右扶風

賈島

寄韓潮州愈

此心曾與木蘭舟直到天南潮水頭善吉已之奇善隔嶺篇章來

華岳出關書信過瀧流峰懸驛路殘雲斷海浸城

根老樹秋一夕瘴煙風捲盡月明初上浪西樓

牛僧孺字思黯隴西人貞元中進士歷相穆敬兩朝封奇章郡公後出鎮鄂渚文宗朝徵入再相夙與李贊皇相惡會昌中分司東都貶循州長史大中初還為太子少師

席上贈劉夢得

粉署為郎四十春今來名輩更無人休論世上昇

沉事且鬪樽前見在身珠玉會應成咳唾山川猶

覺露精神莫嫌恃酒輕言語曾把文章謁後塵僧

赴舉時嘗投贄於劉劉封客展卷塗鼠其文歷二十年劉轉汝州牛鎮淮南狂道信宿酒酣賦詩劉

方悟往年

通典粉署郎署也省中以粉畫之故言粉署

◎朱慶餘本名可久以字行越州人受知於張籍成寶曆進士官未達

南湖一作溫庭筠詩

溫詩顧注地理志南湖一名鑑湖在會稽漢太守馬臻開鑿

湖上微風小檻涼。翻翻菱荇滿迴塘。野船著岸僂春草。水鳥帶波飛夕陽。蘆葉有聲疑露雨。浪花無際似瀟湘。飄然蓬艇東歸看。盡日相客憶楚鄉。

◎王建

贈王樞密

三朝行坐鎮相隨。今上春宮見長時。脫下御衣偏

得著。進來龍馬每教騎。長承密旨歸家少。獨奏邊

機出殿遲。不是當家頻向說。九重爭得外人知。

南宮王守澄善酒中語及漢桓靈王中宮之禍守澄憾之欲以建所作宮詞百首上聞曰禁掖事汝何敢言建賦此詩以贈乃脫其禍

◎杜牧字牧之京兆萬年人太和二年進士又舉賢良方正歷任中外官終考功

郎中知制誥中書舍人有樊川集二十卷晚唐詩多柔靡牧之以拘峭矯之人謂之小杜以別於少陵配以義山時亦稱李杜

寄題甘露寺北軒

真圖備攷寺在北固山上

會上蓬萊宮裏行。北軒闌檻最留清。孤高堪弄桓
伊笛。縹緲宜聞子晉笙。天接海門秋水色。煙籠陪
苑暮鐘聲。他年會著荷衣去。不向山僧道姓名。
世說王子猷問桓子野善笛而不識一日使人
邀之桓據胡床為作三弄王子晉好吹笙仙
夫

題青雲館

在商於

蚪蟠千仞劇羊腸。天府由來百二強。四皓有芝輕
漢社。張儀無地與懷王。雲連帳影蘿陰合。枿遶泉
聲。客夢涼。淡處會容高尙者。水苗三頃百株桑。

魏文詩羊腸坂結山車輪為之權百二指奏
四皓見卷六李詩史記張儀說楚懷王使絕

齊請獻商於之地六百里楚遂絕齊使將軍隨
張儀受地至秦儀伴墮車不朝三月齊秦之交
合儀乃出謂楚使者曰臣有奉
邑六里願獻大王楚王大怒

酬張祜處士見寄長句四韻

七子論詩誰似公。曹劉須在指揮中。薦衡昔日知
文學。乞火無人作剗通。北極樓臺長入夢。西江波
浪遠吞空。可憐故國三千里。虛唱歌詞滿六宮。

用剗通說曹參請東郭先生梁石君事見漢書剗
通傳為薦賢也時令狐楚以張祜詩三百篇隨狀
表進祜至京上問元稹稹曰離蟲小技獎激之
惡稹陛下風教祜乃罷歸三四語正指其事
七子建安七子曹
劉曹植劉楨也

街西坊及西市多王侯貴戚之第

碧池新漲浴嬌鴉。分鎖長安富貴家。遊騎偶同人
鬪酒名園相倚杏。交花銀鞍駃裏嘶。宛馬繡鞅
瓏走銅車。一曲將軍何處笛。連雲芳樹日初斜。
名園句比綠楊宜作雨家春尤妙

懷鍾陵舊遊

滕閣中春綺席開。柘枝蠻鼓殷晴雷。垂樓萬幕青
雲合。破浪千帆陣馬來。未拋雙龍牛斗氣。高懸一
榻棟梁材。連巴控越知何有。珠翠沉檀處處堆。

滕閣滕王閣樂府雜錄健舞曲有柘枝軟舞曲有屈柘

九日齊山登高

江涵秋影雁初飛。與客攜壺上翠微。塵世難逢開
口笑。菊花須插滿頭歸。但將酩酊酬佳節。不用登
臨恨落暉。古往今來只如此。牛山何必獨霑衣。
末

句影切齊山非泛然下筆

莊子人生上壽百歲中壽八十下壽六十病瘦死喪憂患其中開口而笑者一月之
五日而已唐輦下歲時記九月宮掖間爭插菊
花民俗尤甚列子齊景公遊於牛山北臨國城而
流涕曰美哉國乎鬱鬱芊芊若何謫去此國而死
乎使古而無死者寡人將去斯而何之

早鴈

金河秋半虜弦開。雲外驚飛四散哀。仙掌月明孤

影過長門燈暗數聲來須知胡騎紛紛在豈逐春

風一一迥莫厭瀟湘少人處水多菰米斫莓苔

郝注雲中郡紫河鎮界內有金河華山有仙人掌長門漢宮名菰之有米者名雕菰莓而大亦可食又苔也

李商隱義山近體辟積重重長于諷論中有頓挫沉著可接武少陵者故應為

犬宗後人以溫李並稱只取其穠麗相似其實風骨各殊也

馬嵬在西安府興平縣西

海外徒聞更九州他生未卜此生休空聞虎旅傳

宵柝無復雞人報曉籌此日六軍同駐馬當時七

夕笑牽牛如何四紀為天子不及盧家有莫愁起無

原委一病也徒聞空聞犯複二病也虎雞馬牛同用三病也落句擬人不倫四病也因屬對精工詞氣宕逸無取青妃白之迹故欲去而仍存之五六語逆挽法若虬說便手末言四紀天子不及民問夫婦蓋譏之也

原注鄒衍云九州之外復有九州西京賦陳虎旅于飛廉雞人見卷十三王維詩五六語見長恨傳元宗紀詔曰聿來四紀人亦小康

重過聖女祠水經注武都秦岡山懸崖之人像上赤

下白世名之日聖女神

白石巖屏碧蘚滋上清淪謫得歸遲一春夢雨常

飄瓦盡日靈風不滿旗芳綠華來無定所杜蘭香

去未移時玉郎會此通仙籍憶向天階問紫芝聖女

卷十五

卷十五

卷十五

卷十五

卷十五

以形似得名非果有其神

故以芳華杜蘭香比之靈寶木元經西人天外曰三清境王清太清上

清亦名三天真諱穆帝昇平三年十一月

女子年可二十詩以晉穆帝昇平三年十一月

夜降於羊權家授權人氏以建業四年春數詣

杜蘭香者自稱南康人氏以建業四年春數詣

張碩言本為君作妻情無曠遠以年命未合其

小乖太歲東方卯當還求君真諱北

元中玄道君太保玉郎李靈飛之小妹

隋宮

紫泉宮殿鎖煙霞欲取燕城作帝家玉璽不緣歸

日角錦帆應是到天涯於今腐草無螢火終古垂

楊有暮鴉地下若逢陳后主豈宜重問後庭花

命若不歸唐遊幸豈止江都而已用筆靈活後人

上他時魂魄相遇重以後庭花為問

在揚州即古邗溝城隋書大業元年發民十萬

獨斷聖者印也長安至江都置離宮四十餘所

舉其自秦以來天子獨以印稱璽又獨以玉

羣臣莫敢用也開河記煬帝御龍舟幸江都

香閣十里隋書大業末帝于景華宮徵求螢

火數斛夜出道山放之光照山谷又煬帝自

板渚引河作街煬帝在江都嘗遊吳公宅羅臺

百裡與陳後主相遇後主舞女數十中一人迴

美帝屢目之後士云即麗華也帝請麗

華舞玉樹後庭花麗華徐起終一曲

杜工部蜀中離席擬杜

人生何處不離羣世路干戈惜暫分雪嶺未歸天

卷十五

三五

外使松州猶駐殿前軍座中醉客延醒客江上晴

雲雜雨雲美酒成都堪送老當墟仍是卓文君

雪山在松州屬劍南道漢相如傳卓文君當墟沽酒

二月二日

二月二日江上行東風日暖聞吹笙花鬢柳眼各

無賴紫蝶黃蜂俱有情萬里憶歸元亮井三年從

事亞夫營新春莫訝遊人意更作風欄夜雨聲

陶潛歸園田詩井窻有遺處桑竹殘朽株亞夫北征營於細柳

南朝

元武湖中玉漏催雞鳴埭口繡襦迴誰言瓊樹朝

朝見不及金蓮步步來敵國軍營漂木杪前朝神

廟鎖煙煤滿宮學士皆顏色江令當年只費才

與諸嬪妃女學士六賦詩題概說南朝而主意

在陳后主元武湖雞鳴埭雖前朝事而玉漏催繡

襦迴已見后主遊辛無明無夜也三四誰言后主

不及東昏見盛於宋昏也五六見不防敵患不畏

天災欲國之不凶其可得乎

宋書元嘉二十年築北隄立元武湖於樂遊苑北

苑北南史齊帝數幸瑯琊城宮人常從早發至湖

北南史齊帝數幸瑯琊城宮人常從早發至湖

北南史齊帝數幸瑯琊城宮人常從早發至湖

卷十五

西

籌筆驛

猿鳥猶疑畏簡書，風雲常為護儲胥。徒令上將揮

神筆，終見降王走。待車管樂有才真，不忝關張無

命復何如。他年錦里經祠廟，梁父吟成恨有餘。

緜谷縣北武侯嘗香在老杜故能神

詩畏此簡書蜀志鄧艾破蜀武侯傳孔明自為世虎臣又

又亮躬耕隆中好為梁父吟

九成宮

本隋仁壽宮去京三百里唐貞觀中修之以避暑

十二層城閬苑西，平時避暑拂虹霓。雲隨夏后雙

崖風逐周王八馬蹄。吳岳曉光連翠巘，甘泉晚

景上丹梯。荔枝虛橘沾恩幸，鸞鵲天書降紫泥。

十洲記崑崙山有瑤池閬苑山海經太極之野夏后啟于此舞九代馬乘雨龍八馬見卷

八白居易詩元和郡國志吳岳在汾陽縣西南五十里

重有感

感甘露之變也前有長律一首故云重

玉帳牙旗得上遊，安危須共主君憂。竇融表已來

關右，陶侃軍宜次石頭。豈有蛟龍愁失水，更無鷹

隼擊高秋。書號夜哭兼幽顯，早晚星關雪涕收。

事變宦官族誅大臣時王茂元為涇原節度使故日上遊當與君分憂也昭義節度使劉從諫上疏問王涯等何罪仇士良懼故云竇融表已來關右也茂元在涇原宜出兵相助故云陶侃軍宜次石

卷十五

頭也至尊制於中人
是猶蛟龍失水節度不能仗
以擁兵上過者耳
茂元義山妻父

後漢書竇融為衆所推
行河
大將軍事遙聞
光武即位心欲東向
遣長史劉鈞奉書獻馬帝
授融為涼州牧
晉書蕭峻作逆温嶠要
陶侃同赴朝廷侃
戎服登舟直指石頭

茂陵

漢家天馬出蒲梢
昔
蒲梢花遍近郊
內苑只知含

鳳翥屬車無復插雞翹
玉桃偷得憐方朔
金屋脩

成財阿嬌誰料蘇卿老歸國
茂陵松柏雨蕭蕭

史記武帝伐大宛得千里馬名曰蒲梢作天馬歌昔菴草生西域博物志張騫使西域還得塗林安石園榴種以歸于洲記仙家莫鳳啖麟角作膠名為續芝膠能連鳥骨斷後仙

傳拾遺武帝幸華林苑射虎兕斃斷以靈膠續之武士數人對引不脫獨獨為旗插羽毛列紫幢旁民或謂之雞翹漢武故事東郡獻短人三巨靈指東方朔謂上曰王母種桃三千年一著于此兒不良三過偷之矣阿嬌以金星貯之見卷二李詩蘇卿蘇武也茂陵漢武陵贈前蔚州契苾使君契苾何力係外酋來歸為唐初功臣使君

其後也

唐書蔚州興唐郡屬河東道隋雁門郡之靈邱十谷郡之飛狐縣地武德六年置蔚州

何年部落到陰陵
三世勤王國史稱
夜卷牙旗千帳雪
朝飛羽騎一河冰
幕兒襁負來青塚
狄女壺漿出白登
日晚鷓鴣泉畔獵
路人遙識邳都鷹

青塚昭君墳在靈州白登屬雲中漢書郵都

鵝泉在豐州北轉入飲馬如此

隨師東此咏隨東征之役以諷時事

東征日調萬黃金幾竭中原買鬪心軍令未聞誅

馬謖捷書惟是報孫歆但須鸞鴛巢阿閣豈似鴟

鴟在泮林可惜前朝玄菟郡積骸成莽陣雲漢

言軍令不行四語言虛聲邀賞五六言人

生節德則賢士滿朝不必藉遠人之服也

隋煬帝紀大業十年東伐高麗蜀志建興六年諸葛亮出軍向祁山拔馬謖統大眾在前與魏將張郃戰於街亭為郃所敗亮退軍還漢中謖下獄死晉書杜預伐吳軍入樂鄉至都督孫歆帳下生將歆諸預王濬先列得歆頭而預生送歆浴中大笑帝王世紀黃帝時鳳鳴

於阿閣詩彌彼飛揚集于泮林漢書武帝元封四年以朝魚地置樂浪玄菟真番臨屯西郡

曲江此借元宗時曲江以諷文宗時事

鄭注言秦中有災宜興土工壓之乃

望斷平時翠輦過空聞子夜鬼悲歌金輿不返傾

城色玉殿猶分下苑波死憶華亭聞唳鶴老憂王

室泣銅駝天荒地變心雖折若比傷春意未多

晉書孝武太元中耶那王柯之家有鬼歌子夜

漢書注宜春下苑即今京城東南隅曲江池

是晉書袁人蓋政請陸機於成都王頊機破

收歎曰華亭楊城可得聞乎又索靖知天下

將亂指宮門銅駝口

會見汝在荆棘中耳

黃陵洞庭湘君廟

哭劉蕡

上帝淡宮閉九關上音不巫咸巫咸謂不既免於人非下問衙冤廣陵別後春

濤隔溢浦書來秋雨翻只有安仁能作諫何曾宋

王解招魂平生風義兼師友不敢同君哭寢門

離騷注巫咸古神巫也九江府城西潘岳傳岳善為哀諫之文

魂注宋玉憐屈原魂魄放失厥命將落故作招魂

安定城樓為合孤氏

唐書涇州保定郡屬關內道本安定郡至德元載更名

迢遞高城百尺樓綠楊枝外盡汀州賈生年少虛

垂涕王粲春來更遠遊憶江湖歸白髮欲迴天

洲

地入扁舟不知腐鼠成滋味猜意鷓鴣竟未休

長意江湖以終老但志欲挽回天地乃入扁舟耳

時人不知已志以鷓鴣嗜

賈生賈誼也王粲有登樓賦鳴得府鼠鷓鴣過之仰而視之曰赫莊子

井絡

蜀都賦岷山之精上為井絡注岷山為東井星絡之維陣圖東

井絡天彭一掌中設劍為鋒陣圖東聚變

江石邊析西懸雪嶺松堪歎故君成杜宇可能先

主是真龍將來為報奸雄輩莫向金牛訪舊蹤

守及帝胄且不能成功况奸雄割據乎如劉闔輩是也

卷十五

三

水滄注氏道縣有天彭山兩峰相對謂之天彭
門亦曰天彭關 劍峯 指劍閣雪山在松州嘉
城縣東八十里社字望 帝真龍朱主也
元和郡國志梁州金牛縣武德二年置

少年

外戚平羌第一功 生平二十有重封 直登宣室竈

頭上橫過甘泉豹尾中 別館覺來雲雨夢 後門歸

去蕙蘭叢 灞陵夜獵隨田竇 不識寒郊自轉蓬

色荒兼而有之 此詩應有所指 漢書注宣室未央殿正室 又丹墀上之階

日蟬頭 揚雄傳趙昭儀方大幸每上甘泉常 法從在屬車間豹尾中 注大駕八十一乘 最後 一乘懸豹尾 漢文葬灞陵田蚡豆嬰皆外戚

王十二兄與畏之員外相訪見招小飲時

子以悼亡日近不去因寄

也

謝傅門庭舊未行 今朝歌管屬檀郎 更無人處簾

垂地欲拂塵 時簟竟牀稀 氏幼男猶可憫 左家橋

女豈能忘 秋霖腹疾俱難遣 萬里西風夜漸長

晉書謝安贈太傅 舊注檀奴潘安仁小字後 人因號曰檀郎 晉書稽紹字延祖康之子十 歲而孤 左思嬌女詩左 家有嬌女 皎皎頗白皙

淚

永巷長年怨 綺羅離情終日思 風波湘江竹上痕

無限峴首碑 前灑幾多人 去紫臺秋入塞 兵殘楚

帳夜聞歌朝來灞水橋邊問未抵青袍送玉河以古

人之淚形送別之

漢書項羽夜聞漢軍皆楚歌乃驚起飲帳中悲歌慷慨泣下數行餘注散見

宋王

王與

何事荆臺百萬家惟教宋玉擅才華楚辭已不饒

唐勒風賦何曾讓景差落日渚宮供觀閣開年雲

夢淮煙花可憐庾信尋荒徑猶得三朝託後車

荆臺在監利縣西三十里荆楚故事表王與唐勒景差宋玉遊雲夢之臺王合各賦大言唐勒景差賦不如王意宋玉賦曰方地為以圓天為蓋鸞弓非扶桑長劍倚天外王喜賜以雲夢之田一統志渚宮在江陵故城東南梁元帝即位渚宮即此沈約與徐勉書開

年以來病贈慮切雲夢澤名北吳信先事梁簡文帝後奔江陵元帝除御史中丞聘西魏遂置長安累遷儀同三司周孝閔帝踐非遷驃騎大將軍

溫庭筠語曰情生于文生于情情不足而文多晚唐詩所以病也得此意以去

取溫詩則真詩出矣

馬嵬驛

昔穆王此示穆滿曾為物外遊六龍經此暫淹留返魂無驗青

煙滅埋血空成碧草愁香輦卻歸張樂殿曉鐘還

下景陽樓甘泉不得重相見誰道文成是故侯通

俱屬借言詠古詩另開一體

穆天子傳河伯號之帝曰穆滿十洲記聚窟洲有大樹與楓木相似花發香聞數百里名返

魂樹死者在地間香即活莊子莫邪死藏其血三年化為碧漢外戚傳李夫人少而早卒
血不憐閔焉圖畫其形於甘泉宮又上思念李夫人
人設帷帳而合上居他帳遙望見好女如李夫
神之貌史記元狩四年齊人少翁以鬼神方
神不至於是誅文成將軍隱之

經李徵君故居

露濃煙重草萋萋樹映闌干柳拂隄一院落花無
客醉五更殘月有鶯啼芳筵想象情難盡故樹荒
涼路已迷風景宛然人自改卻經門巷馬頻嘶

過陳琳墓

曾於青史見遺文今日飄蓬過此墳詞客有靈應

掃

識我勸才無主始憐君石麟埋沒蕪春草銅雀荒
涼對暮雲莫怪臨風倍惆悵欲將書劔學從軍言

紹非霸才不甚為主也
有傷其生不逢時意
郝注三國志有陳琳傳又陳琳避難冀州袁紹以琳典文章令作檄以告劉備言曹公失德而巳何乃上及祖父耶琳謝罪曰矢在弦上不
得不發曹公愛其才不責石麟
墓上石麒麟也銅雀臺曹操築

蘇武廟

蘇武魂銷漢使前古祠高樹兩茫然雲邊雁斷胡
天月隴上羊歸塞草煙回日樓臺非甲帳去時冠
劍是丁年茂陵不見封侯印空向秋波吳逝川

卷十五

三

故事以琉璃珠玉明月夜光錯雜天下珍寶為甲

帳其次為乙帳甲以居神乙以自居五六與此

日六軍同駐馬一聯俱屬逆挽
法律詩得此化板滯為跳脫矣
上林中得唯足有繫鳥書言武在某澤中何
奴徒武北海上使攸抵李陵書丁年來使

鐵馬雲雕其絕塵柳營高壓漢宮春天清殺氣屯

關右夜半妖星照渭濱下國臥龍空寤主中原得

鹿不由人象牀寶帳無言語從此譙周是老臣

天意不可知
柳營細柳營也
名關右蜀志亮據武功五丈原耕者難於渭
濱音陽秋有星赤而芒角自東北西南流投於
亮營三投再還往大還小能而亮卒
明也得鹿見卷一魏徵詩蜀志譙周字允南
巴西人亮卒周在家問明即便卒

出師一表是也
於痛罵

傳景耀六年冬鄧艾破諸葛於縣
竹用光祿大夫譙周策降於艾

贈蜀將

原注蠻入成都頓著功勞

十年分散劍閣秋萬事皆隨錦水流心氣已曾明

漢節功名猶自帶吳鉤情其立功而不愛同於李廣邊認箭寒雲重馬上聽

笳塞草愁今日逢君倍惆悵灌嬰韓信盡封侯李

下中人且侯况
灌嬰韓信乎

劫開錦水俱在蜀
吳都賦吳鉤越棘漢書蘇武使匈奴持漢節

陰侯又韓信淮
陰人封淮陰侯

池塘七夕

月出西南露氣秋綺
寮河漢在鍼樓楊家繡作鴛

鴛慢張氏金為翡翠
鈎銀燭有光妨宿燕畫屏無

睡待牽牛萬家砧杵
三篙水一夕橫塘是舊遊

魏都賦皎日籠光
於綺寮注寮窗也
庾肩吾

七夕詩玉匣卷懸
衣針樓開夜屏
徐陵序傳

鼓瑟於楊家
搜神記京兆有張氏獨處一室
狀張氏祝曰鳩為禍也飛土

有鳩白外入止於
承塵為福也即入
我懷

和友溪居別業

積潤初銷碧草新
鳳陽晴日帶雕輪風飄弱柳平

橋晚雪點寒梅小院
春屏上樓臺陳後主鏡中金

翠李夫人花房透露
紅珠落蛺蝶雙飛護粉塵

春

西園一曲豔陽歌
擾擾車塵負薜蘿自欲放懷猶

未得不知經世竟如何
夜聞猛雨拌花盡寒戀重

衾覺夢多鈞渚別來應更好
春風還為起微波

作判花盡判分也無平音
應是拌字之譌今改正


贈知音

翠羽花冠碧樹雞
志明先向短牆啼窗間謝女青

蛾斂門外蕭郎白馬嘶
殘曙微星當戶沒澹煙斜

月照樓低上陽宮裏鐘初動
不語垂鞭過柳隄

寫曉別之景令人
輒喚奈何



Faint, vertical Chinese characters are visible on the right page, likely bleed-through from the reverse side. The text is arranged in several columns and is significantly obscured by a large, dark, irregular stain or smudge that runs vertically down the center of the page. The paper is aged and yellowed.

